

8549

891.99 .092

G-87p.

1936



8549



Տպար. Հրատարակիչ՝ 1864 Ս. ԲՈՒՐԱՏ

58րդ ՀՐԱՏԱՐԱԿՈՒԹ .

ԿԵՆՍԱԳՐՈՒԹԻՒՆ Դրեց՝ ՍՄԲՍՏ ԲՈՒՐԱՏ



ՏՊԱՐ. Հ. ԲՈՒՐԱՏ
ԱՂԵՐՍԱՆԴՐԻՍ

H. Burat
Printed in Egypt

891.99.092

-6 NOV 2011

Ե-87բ

«ԺԱՄԱՆՈՎԱԿԻՅ ՄԱՅԵՆԱՇԱՐ» Թիւ 58
1909-ին հիմն. ի Կ. Պոլիս, ՎԱՂԻՆԱԿ Ս. ԲԻԻՐԱՏԷ
Հրատարակիչ՝ ՀԱՅԿ Ս. ԲԻԻՐԱՏ

ԿԵՆՍԱԳՐՈՒԹԻՒՆ

“**Հ Ի Ք Ր Ա Ն**
Է Ր Կ Ա Ք”

Գրեց՝ ՍԱԲԱՏ ԲԻԻՐԱՏ

8549

Տպագր. 2. ԲԻԻՐԱՏ

1935

Printed in Egypt
ԱՂԵՔՍԱՆԴՐՈՒ

-4 MAR 2013



СЕРГЕЙ ПЕТРОВ
1850 - 1898
ТИГРАЯ ТЕРБАТ

1856-2002



ԱՐԱՄ Մ. ՔԻՒՐՔՃԵԱՆ

Որուն շնորհիւ լոյս տեսաւ

ՏԻԳՐԱՆ ԵՐԿԱԹԻ ԿԵՆՏԱՐՈՒՔԻՆԵՐ

ԿԵՆՍԱԳՐՈՒԹԻՒՆ

ՏԻԳՐԱՆ ԵՐԿԱԹԻ

Ն Ա Խ Ա Բ Ա Ն

Կանուխ, շատ կանուխ անհետացաւ այս դէմ-
քը, չքնաղագեղը դէմքերէն, որ միջոցը լեցուց ու
տղողեց իր բուրումնաւէտ շողշողումովը. յաւիտե-
նապէս քաշուեցաւ մեր ազգային-գրական-քաղա-
քական հորիզոնէն, թափուր թողլով ասպարէզը,
որուն պայծառագոյն աստղերէն մին եղաւ: Ու այդ
դէմքն է որ այսօր, միշտ վճիտ ու պաշտեցեալ,
մի՛շտ ներկայ, երբե՛ք անջնջելի, կը վերերեւի Հայ
Դատին հոգեբանական այս փուլին մէջ, կարծես
ազդարարելու թէ՛ անմահութիւնը ժառանգած է ինք.
մահուան սառոյցն ու գերեզմանին դանդիւր ծաղ-
րող, թափանցող նայուածքը յառած՝ դէպ ի մեզ,
կ'ապրի, կը շնչէ, վերընձիւզ կեանքի մը հոսանքը
կը ներարկէ թմրած երակներու մէջ, բերելով ներ-
շնչումներ ու սաւառնումներ, հոն՝ ուր մարած լոյսեր
կան, ու մեռած յոյսեր:

Այս դէմքն է Տիգրան Երկաթը. Բարիին, Գե-
ղեցկին, Կատարեալին ու ծշմարտին ճառագայ-
թումը կազդուրիչ: Յաւին ու ցաւերու երկրին
Մարդը, Անծանօթին ծանօթ Ձեւը, Աւիւնին ու
խանդին շօշափելի մարմինը առած. բարձր, շատ
բարձր՝ Նիւթէն, որուն դէմ ուխտուած ռիմը եղաւ
իր կեանքը բովանդակ. անմերձ ու զերծ՝ ամէն

բանէ որ մարդ էակին մէջ կոյր բնազդը կ'արթընցընէ ու ախտազանգ խմորը կը յատկանշէ:

Լոյսին մէկ զաւակը, Բանին հրաւիրակը, սաւառնող հանճար, թափանցիկ հոգի, դատող միտք, կորովի կամք, տոկուն մարտիրոս, սիրող սիրտ, համոզուած Առաքեալ Ազատութեան, անխոնջ մարտիկ. ահա՛ Տիգրան Երկաթը: Ազատածին ծագում, անխախտ սկզբունք, անհուն հատնում, յամառ մաքառում, ժպտուն այգեր, ամպոտ առաւօտներ ու նուազուն վերջալոյս: Ահա՛ կեանքն անոր՝ որ ՏԻԳՐԱՆ ԵՐԿԱԹ՛ն եղաւ:

Կորուստը դառն է, ու սուգը՝ մեծ ու մշտաւեւ. չը փակուիր մնար ամիոփ ու անձուկ ընտանեկան շրջափակին մէջ. սուգի լայն բաժինը կը մնայ Ազգին, նահատակ Ազգին, որուն ազատութեանը համար հսկեց անի քանի՛ քանի՛ անլոյս գիշերներ: Տորոսի մանչիւն ողբերուն հետ Թող խառնըւին Ջահանի ու Արաքսի փրփրուտ ալիքները, կոծեւոյն համար կորուստը վաղամեռիկ բանաստեղծին՝ զոր լացին պառաւ Եւրոպան ու հարս Ամերիկան: Իսկ Ելլադա, Երկաթի մտատիպարին հաճոյագոյն հայրենիքը, լացաւ իր հելլենապաշտ Ջաւազը, լացաւ ու կուլայ դեռ և պիտի լայ թերես, ցորչափ ալիքները միջերկրականին՝ թանան ազատ Յունաստանին ծիծաղկոտ ծովափունքը:

Մենք այս կեանքը — նահատակութեան շղթայ մը — պիտի բաժնենք չորս մասերու, վեր հանելու համար իսկական ու բուն Տիգրան Երկաթը, նախ՝ իրեն ու իր ընտանեաց հետ, երկրորդ՝ Մայր Բնութեան հետ. երրորդ՝ իբրև Հայ՝ Հայրենիքին հանգէպ. չորրորդ՝ իբրև Մարդ՝ Մարդկութեան մէջ:

Ա.

Մնունդը, Նախնիք, Ա. Տարիներ

Երգե՛լ, թէ գրել կեանքը ՏԻԳՐԱՆ ԵՐԿԱԹ՛ին, որ իր երկրին զաւակն եղաւ հարազատ, տառապող, բայց արի ու մաքառող: Տառապանքի հերոսն եղաւ անի, ու հիմայ, արիւն ու մոխիր բուրող հայրենիքին վերե սաւառնալթե, շահինի աչքերով կը չափէ պարապը, զոր ինք թողուց իր կանուխ ու անսպաւսելի մահովը: Կարճ, շատ կարճ տեւեց այդ կեանքը բեղուն ու հիւթեղ. խօսեցաւ, գրեց ու գրեց, ճամբորդեց, հսկեց, կռուեցաւ, անդուլ գործեց, ի վերջոյ իր դերը — վսեմ ու նախախնամական — չաւարտած՝ գերեզման իջաւ գեղեցիկ գարուններովը, ու բոնք ա՛յնքան պողաւէտ աշուններ կը խոստանաւ յին: Տիգրան Երկաթ իր մէն մի քայլին, մէն մի խօսքին, մէն մի արարքին մէջ յայտնուեցաւ հայրենասէր հոգի մը. իր ցեղին — որուն գերութիւնն իր մեծ վէրքն եղաւ իր բովանդակ կեանքին մէջ — անկախութեան երազն իրագործելու տենջովը տանջուեցաւ, ծրագիրներ յղացաւ, գործնական միջոցներու դիմեց, անխոնջ ռազմիկ, կռուեցաւ ու կռուեցաւ, քաղաքակիրթ աշխարհը թնդացուց իր պարբերաբար հրապարակ նետած դրոյզեցնող ու ընդվզուցեցիչ յօդուածներովը, ու այսօր, միահամուռ պաշտումի ու յաւերժական սուգի առարկայ, կը վերկենցաղի սրտերուն մէջ Տիգրան Երկաթ, մեծ հելլենասէրն ու աննման Հայը:

Այս վաղամեռիկ հանճարին կենսագրութիւնը՝ մեր ընթերցողներուն ընծայելու գաղափարը նոր չէ, անոր մահուան վաղորդայնին յղացուած է այն, սակայն, կատարեալ, իր տեսակին մէջ եզական ու շահեկան գործ մը արտագրելու փափա՛գն է որ մեզի

խրատեց սպասել, փնտռելու գտնելու ստոյգ ու բուն աղբիւրները, ուսկից կարելի ըլլար քաղել էական ու անհրաժեշտ ծանօթութիւնները:

Արդ, այսօր, այդ բոլոր ծանօթութիւններն ի ձեռին ունինք, շնորհիւ բացառիկ դիւրութեանց, զորս հաճեցաւ մեզի ընծայել յաւէտ ողբացեալ հաշուն ընտանիքը, մեր տրամադրութեան տակ դնելով Երկաթի ապրող անտիպ ձեռագիրները, քերթըւածք, վէպիկներ, ճառեր, օրագրութիւն եւն. եւն. նաև ժամանակակից քաղաքական մեծ դէմքերուն, — Ֆրանսացի, Յոյն, Ռուս, Ամերիկացի Տիգրանի անմխիթար մօրը ղրկած բազմաթիւ նամակները, անոր մահուան և անոր համառօտ կենսագրութեանը տետրակին հրատարակման առթիւ:

Հո՛ն, այդ բոլոր գրութիւններուն մէջ է Տիգրան Երկաթ, բանաստեղծ, գրագէտ, հրապարակախօս ու քաղաքական մարդ, հայութեան ճաճանչաւէտ փառքերէն մին ու տիպար հայրենասէր:

* *

1870 Փետր. 4ին, Կ. Պոլսոյ Բերայի Բոլոնիական փողոցին ու Մեծ Պողոտային անկիւնը շինուած բնակարանին մէջ լոյս աշխարհ եկաւ այն հրեշտակակերպ մանկիկը, որ աւազանէն ստացաւ Կարապետ անունը, և որ ապա Տիգրան Երկաթը պիտի ըլլար:

Նորածնին մայրը, Տիկին Մարի Պիլէզիքճի, տասնըինը տարուան գարնանային ծաղիկ հասակին մէջ էր, երբ առաջին երջանկութեան սարսուռն զգաց, իր մայրենի գրկին մէջ առնելով իր ամուսնական սիրոյ նախախայրիքը, անդրանիկ քնուողը:

Նորածինը կը սերէր ծնունդով Կ. Պոլսոյ հայ ընտանեաց ամենէն տոհմիկներէն. իր հաւը, Պողոս Ամիրայ Պիլէզիքճի, Զահրապներու վաղեմի ցեղին շառաւիղ, իր կրօնակիցներուն մէջ միակն է որ

ստացած է Ղալաթիոյ հայ հռովմէականաց Ս. Փրկչի Մայր Եկեղեցին թաղուելու պատիւը: Իր հայրը, Գրիգոր Պիլէզիքճի, շքեղ ու ազնուական երիտաւ սարդ մը, որ անուն հանած էր իր չափազանց առատաձեռնութիւններով, զորս անխաիր կ'ընէր եկեղեցիին ու կարօտեալներուն, քսանըեօթը տարուան հասակին մէջ Սուրբ Գրիգորի Ասպետ (Շրվալիէ տը Սէն Կրէկուար) մեռաւ, իսկ մայրը Թուրքիոյ կիներուն մէջ իբրև գեղեցկագոյններէն ու զարգացեալներէն մին նկատուած, կը սերի Թընկըրի գերդաստանէն, որ Գաղատիայէն երկուքուկէս դար առաջ գաղթած եկած է Կ. Պոլիս:

Տիգրանի նախնեաց մէջէն նշանաւոր կին մըն էր ՄԱՐԻՍԱ ԳԱՏԸՆ, իր պապուն մամը, որ Գանատիլի կը նստէր. համարձակախօս, յանդուգն, իշխեցող, փառասէր ու առնացի կորովի տէր կին մը: Յարութիւն Ամիրայ Պէղճեան շատ կ'ափնածէր անկէց ու յաճախակի այցելութեան ատեն անոր ձեռքը կը պագնէր: Այս կինը ա՛յնքան բացառիկ դիրք մը կը վայելէր ամբողջ գերդաստանին մէջ, որ Մեծ Հալաճանքին ժամանակ, շատ մը կեղեքումներէ գերծմնաց: Թընկըր գերդաստանէն 40-50 հոգի, կ'աքսորուին Գաղատիա, ամենասոսկալի չարչարանքներու և զրկանքներու ենթարկուած՝ ձմեռուան սառնին ու բուքին, իրենց մէջէն ոմանք ճամբան կը մնան ցրտամեռ: Աքսորելոց մէջ կը գտնուէին նաև Մարիամ Գատընը. Տիգրանի մօրը հօրեղբայր ՊՕՂՈՍ ԹԸՆԿԸՐ բանաստեղծը, որ այդ անցքը գըրած էր ծառին վրայ, ասոր, միւս եղբայրը Պետրոս, Վիէննա ղրկուած, ուսում առած ու հոն բռնի քահանայացած:

Մարիամ Գատըն աքսորանքին մէջ սրտին ցաւէն մեռած է:

Սակայն, եթէ գեղերինք իր նախնեաց իւրաքանչիւրին մանրամասն կենսագրութեան վրայ, պիտի շեղինք մեր նպատակէն, որ է միայն իր կենսագրութիւնը, որուն ընթացքին մէջ առիթ պիտի ունենանք երբեմն երբեմն կանգ առնել անոնց վըրայ ալ:

Օր մը, Ապրիլի զուարթ ու գեղեցիկ օրերէն մին, վերջալուսային արեւի մը տկար ճառագայթները Բեւրայի բարձր բնակարանաց լուսամուտներէն ներս կը սողոսկէին, ապակիներուն տալով գեղին ու կարմիր գոյներ. հազիւ տակաւին երկու ամսուան էր խանձարապատ երեխան, դայեկին խնամքին յանձնուած, թէև մայրը չէր կրնար չայցելել յաճախ, զանի գգուելու ու անոր վարդ այտերը համբուրելու համար: Վերջալոյսը կ'ոսկեզօծէր կարապետի կարմիր մետաքսէ վերմակը, սակեզօծ օրօրոցին վրայ ձգուած: Մայրը ներս կը մտնէ և չի կրնար ծածկել իր ներքին հրճուանքը, զոր կ'զգայ այն պահուն իր աչքին առջև պարզուած տեսարանին հանդէպ: Սանձարուրը քրքրուած, քակուած, տոտիկներն ու թաթիկները կապերէն աճակուած, երեխան բարձրագոյ կը խնդար, կը ծիծաղէր, կը խայտար ու ինքզինք օրօրոցէն զուրս նետել կը փորձէր, այնքան զուարթ էր ու երջանիկ:

Այդ օրօրոցը, այդ քրքրուած ու քակուած խանձարուրքը, այդ զուարթածիծաղ մանկիկը, այդ անտիական երջանկութիւնը, այդ ամէնը չը՞ յիշեցնէր ողբացեալ Նալբանդեանի «Ազատն Աստուած»ին «Օրօրոցում կապկապուած»ը: Ու Տիգրան երկաթ ինք յետոյ անձնաւորեց Նալբանդեանի մտատիպարին այն ազատասէր մանկիկը...:

Իր ստնտուն հեղինուհի մըն էր, թինօ կըզգիէն, կայտառ, քաջատողջ, սև աչուրի, սև ընքուրի,

վառվռուն, բիրտ ու անյագ, անկեղծ ու գուրգուրացող իր ծծկերին վրայ: Օր մը գրկեց զանի եկեղեցի տարաւ. վերադարձին, երբ հայրը հարցուց իրեն թէ եկեղեցին ի՞նչ տեսած էր, «գլուխներ» պատասխանեց. հայրը սրբագրել ուղեց. «բազմութիւն» ըսէ՛, ըսաւ:

Առաջին տարիները սահեցան արագ-արագ, ու Տիգրան եղաւ չորս տարեկան, սիրունիկ, անուշիկ մանկիկ մը. 1874ի տարին, դժբաղդ տարի մը եղաւ Պիլէգիքճի գերդաստանին համար: Մանուկն կարապետ որբ մնաց, զրկուելով իր գորովագութ հօրմէն, որ հազիւ քսանընթեթ տարուան, այրի թուղուց իր երիտասարդուհի կինը, որ պարտաւորուեցաւ այնուհետև երթալ բնակիլ իր ծնողքին՝ Տէր և Տիկին կարապետ Թընկըրի տունը, հետը տանելով իր անդրանիկը կարապետ ու միւս երկու փոքրիկները՝ Մարտիրոս ու Գրիգոր:

Տիգրան միշտ կարօտով կը յիշէր իր մանկութեան առաջին հինգ տարիները, որոնց համար հառաչանք մը ունէր միշտ:

Թընկըր գերդաստանին մէջ կը մեծնար ու կը զարգանար. իր պապը, տաղանդաւոր ու բարձր կրթութիւն ստացած բնազնին մը, որ արուեստներու խորունկ ըմբռնումն ալ ունէր. իր մասնաւոր հոգածութեան առարկայ ըրած էր իր որբ թոռնիկը, որուն առաջին դաստիարակութեանը ինք կը հըսկէր: Յաճախ հետը պտոյտի կը տանէր կ. Պոլսոյ ամենագեղեցիկ զբօսավայրերը, հրաշագեղ բնութեան ծոցին մէջ կ'ուզէր յորինել ու սնուցանել թոռնիկին մատղաշ սիրտը. կապուտագեղ ծովին ու կանաչազարդ բլուրներուն տեսքովը կը փորձէր մշակել անոր երեւակայութիւնը: Պէտքիւք Տէրէյի գեղածիծաղ ծովեղերքն ի վեր, քանի՛ քանի ան-

Սակայն, եթէ դեղերինք իր նախնեաց իւրաւ քանչիւրին մանրամասն կենսագրութեան վրայ, պիտի չեղինք մեր նպատակէն, որ է միայն իր կենսագրութիւնը, որուն ընթացքին մէջ առիթ պիտի ունենանք երբեմն երբեմն կանգ առնել անոնց վըրայ ալ:

Օր մը, Ապրիլի զուարթ ու գեղեցիկ օրերէն մին, վերջալուսային արեւի մը տկար ճառագայթները Բերայի բարձր բնակարանաց լուսամուտներէն ներս կը սողոսկէին, ապակիներուն տալով դեղին ու կարմիր գոյներ. հազիւ տակաւին երկու ամսուան էր խանձարապատ երեխան, դայեկին խնամքին յանձնուած, թէև մայրը չէր կրնար չայցելել յաճախ, զանի գգուելու ու անոր վարդ այտերը համբուրելու համար: Վերջալոյսը կ'ոսկեզօծէր կարապետի կարմիր մետաքսէ վերմակը, ոսկեզօծ օրօրոցին վրայ ձգուած: Մայրը ներս կը մտնէ և չի կրնար ծածկել իր ներքին հրճուանքը, զոր կ'զգայ այն պահուն իր աչքին առջև պարզուած տեսարանին հանդէպ: Սանձարուրը քրքրուած, քակուած, տոտիկներն ու թաթիկները կապերէն աճձակուած, երեխան բարձրագոյ կը խնդար, կը ծիծաղէր. կը խայտար ու ինքզինք օրօրոցէն գուրս նետել կը փորձէր, այնքան զուարթ էր ու երջանիկ:

Այդ օրօրոցը, այդ քրքրուած ու քակուած խանձարուրքը, այդ զուարթածիծաղ մանկիկը, այդ անտիական երջանկութիւնը, այդ ամէնը չը՞ յիշեցընէր ողբացեալ Նալբանդեանի «Ազատն Աստուած»ին «Օրօրոցում կապկապուած»ը: Ու Տիգրան Երկաթ ինք յետոյ անձնաւորեց Նալբանդեանի մտատիպարին այն ազատասէր մանկիկը...:

Իր սանտուն հեղինուհի մըն էր, թիւօ կըզգիէն, կայտառ, քաջառողջ, սև աչուի, սև ընքուի,

վառվռուն, բիրտ ու անյագ, անկեղծ ու գուրգուրացող իր ծծկերին վրայ: Օր մը գրկեց զանի եկեղեցի տարաւ. վերադարձին, երբ հայրը հարցուց իրեն թէ եկեղեցին ի՞նչ տեսած էր, «գլուխներ» պատասխանեց. հայրը սրբագրել ուզեց. «բազմութիւն» ըսէ՛, ըսաւ:

Առաջին տարիները սահեցան արագ-արագ, ու Տիգրան եղաւ չորս տարեկան, սիրունիկ, անուշիկ մանկիկ մը. 1874ի տարին, դժբաղդ տարի մը եղաւ Պիլէզիքի գերդաստանին համար: Մանուկն կարապետ որբ մնաց, զրկուելով իր գորովագութ հօրմէն, որ հազիւ քսանըեթը տարուան, այրի թուղուց իր երիտասարդուհի կիւնը, որ պարտաւորուեցաւ այնուհետև երթալ բնակել իր ծնողքին՝ Տէր և Տիկին կարապետ թընկըրի տունը, հետը տանելով իր անդրանիկը կարապետ ու միւս երկու փոքրիկները՝ Մարտիրոս ու Գրիգոր:

Տիգրան միշտ կարօտով կը յիշէր իր մանկութեան առաջին հինգ տարիները, որոնց համար հառաչանք մը ունէր միշտ:

Թընկըր գերդաստանին մէջ կը մեծնար ու կը զարգանար. իր պապը, տաղանդաւոր ու բարձր կրթութիւն ստացած բնագին մը, որ արուեստներու խրբունկ ըմբռնումն ալ ունէր. իր մասնաւոր հոգածութեան առարկայ ըրած էր իր որբ թոռնիկը, որուն առաջին դաստիարակութեանը ինք կը հսկէր: Յաճախ հետը պտոյտի կը տանէր կ. Պոլսոյ ամենագեղեցիկ զբօսավայրերը, հրաշագեղ բնութեան ծոցին մէջ կ'ուզէր յօրինել ու անուցանել թոռնիկին մատղաշ սիրտը. կապուտագեղ ծովին ու կանաչազարդ բլուրներուն տեսքովը կը փորձէր մշակել անոր երեւակայութիւնը: Պէտքիք Տէրէյի գեղածիծաղ ծովեզերքն ի վեր, քանի՛ քանի ան-

գամներ չըջագայութեան ելած էր անոր հետ, որը թոռնիկին՝ փոքրիկ Կարապետին հետ, որ ի՛ր ալ անուներ ըլլալուն՝ աւելի՛ անուշ կը հնչէր իր ականջին: Այդ Կարապետ անունը սակայն, փոխուեցաւ յետոյ Տիգրան Երկաթ-ի:

«Ռըվիւ տէ Ռըվիւ» ի հրատարակած կենսագրական տետրակին սկիզբը հետեւեալ բացատրութիւնը կը տեսնուի Տիգրան Երկաթի անուան առթիւ. — «Կը թուի թէ՛ Տիգրան Երկաթին դէմքը՝ կտրտուած, ինք իր բազդին թողուած Հայաստանին անձնաւորումն ըլլայ: Հայերը չպիտի մոռնան անոր հայրենասիրական ու գրագիտական փառաւոր ու կրկին դերը, որ ծանօթացուց Հայաստանի պատմութիւնն ու գրականութիւնը՝ երկու աշխարհներուն մէջ, և որ, Մեծ Ազատքի օրերուն մէջ անգամ երբեք չէ ուզած հրաժարիլ Մայր-Հայրենիքին անկախութեանէն: Ամբողջ կեանքին մէջ չափաւորութիւն ու կոչ քարոզելէ յետոյ առ մարդասէր եւրոպան, ջախջախուած ու յոգնած՝ վիրագ ու անասնական անարգարութեան տեսարանէն, որ «քրիստոնեայ ու քաղաքակիրթ» ըսուած երկիրներուն մասնակցութեամբը, անդադար կը հալածէ մարտիրոս ժողովուրդը, գնաց կտակելով իր եղբայրներուն այս խրատը կսկծալի արամութեամբ մը:

«Որտակելով սկզբունքները, որոնց համաձայն ժողովուրդները կը համախմբուին իբրև ազգ, ու իրենց ծոցէն կ'արտաքսեն օտար տարերքը, Եւրոպան մեզի կը մերժէ, ինչ որ պարզեւեց Ռումաններուն, Սերպերուն, Յոյներուն, Պուլկարներուն, խորտակելով սկզբունքները, որոնց համաձայն անի կը կառավարէ Ափրիկէն ու Ասիոյ դաշտավայրերը, մեզի կը պարտաւորէ ստորին տեսակներու լուծին տակը ծռելու: Հայե՛ր, չկա՛յ բարոյական, ո՛չ ալ

արդարութիւն՝ ժողովուրդներուն միջև: Մենք մեզ տանք անասնական ոյժ թափելով, մեր հողին վրայ անկախ ապրելու իրաւունքը, կամ ջանա՛նք հոն մեռնելու, պատիւով»:



Քեազըտխանէի հովիտներն ի վար, Սկիւտարի անտառներուն խորը, Կղզիին դարեւանդներուն վրայ, թոռնիկին դաստիարակ-պապը՝ Կարապետ Թընկըր, եղբօրը թոռնորդին էր Պետրոս Թընկըրի, հաշկաւոր բազմալեզուագէտ ու հելլենասէր փիլիսոփային, որ Սուլթան Մահմուտ Բ-ի Հռովմէադաւան Հայերուն դէմ հանած հալածանքին երեսէն, փախած էր Կ. Պոլսէն, ու գացած հաստատուած էր Զմիւռնիա: Այս իմաստասէրը, ժուժկալ ու սակաւապետ բուսակեր մը, մենակեցիկ կ'ապրէր իր զըզեակը քաշուած. զոր ի՛նք կառուցանել տուած էր Զմիւռնիոյ բլուրներէն մէկուն գագաթը, ուր կ'անցընէր իր բոլոր ժամանակը, կ'սպառէր իր բոլոր հարստութիւնը, ստեղծելու համար տարերքը տիեզերական լեզուի մը, զոր յորջորջեց Սէհլէրայ և զոր ի դուր ջանաց ընդհանրացնելու և տարածելու իր բոլորտիքը, մինչև որ մեռաւ խոր ծերութեան հասակին:

Արդ, այս բանաստեղծ-լեզուագէտ-իմաստասէր-բարոյագէտ-հելլենասէր Պետրոս Թընկըրի հարազատ և հաւատարիմ ժառանգն եղաւ Տիգրան Երկաթ, որ իր Մեծ-Վարպետին թերին լրացուց, մասաւանդ հելլենասիրութեան մէջ, զոր իր կատարելութեանը հասուց:

Տիգրանի պապը, Չերմեռանդ կաթողիկ մը, իրմէ զատ ուրիշ մէկու մը չէր կրնար վստահիլ իր թոռնիկին կրթութեան ու դաստիարակութեան փափուկ

գործը. արդէն իրենց բարեկեցիկ հանգամանքը կ'ընծայէր ամէն դիւրութիւն՝ տանը փոքրիկներուն մասնաւոր ուսուցիչներ կարգելու, և զանոնք հասարակ դասակարգի տղայոց հետ շփումէն զերծ պահելու համար, իրենց թաղէն կամ ուրիշ տեղի մը վարժարան զրկելէ կ'զգուշանային, նոյն ատենուան ազնուական համարուած ընտանիքները, որոնց մէջ առաջին տեղը բռնած էր Թընկլըր գերգատտանը: Հռովմէադաւան Հայերուն համոզումներուն մէջ ընդհանրապէս տիրող գաղափար մը կար, այն է, իրենց զաւակներուն սովրեցնել տալ ընտիր ֆրանսերէն մը, որուն մաքուր ու ճիշդ արտասանութիւնը ձեռք կը բերուի, կ'ըսէին, Ֆրանսայի մէջ միայն:


Մտածումի այս ուղղութեան, ու դատելու այս եղանակին մէջ շատ բնական էր հետեցնել թէ՛ կարապետ թոռնիկը սահմանուած էր քանի մը տարի յետոյ Ֆրանսա զրկուելու, հո'ն սովրելու համար ֆրանսերէնը, որ այն շրջանին, ամենէն աւելի ի պատուի ու յարգի լեզուն էր. սակայն, մինչև յարմար տարիքը Ֆրանսա զրկուելու, հարկ էր կարապետիկը նախապատրաստել, գոնէ տարրական ծանօթութիւններով օժտելով անոր մատաղ ուղեւորիկը: Եւ որովհետև ֆրանսերէնի մաքուր ու ֆրանսացի արտասանութեան անհրաժեշտութիւնը բացարձակ պայմաններէն մին էր անոր կրթութեանը, փորձառու և խնամոտ պապը որոշեց հայերէնի նախնական դասեր աւանդել տալ թոռնիկին, մասնաւոր ուսուցիչ մը կարգելով: Ու կարգուեցաւ այդ մասնաւոր ուսուցիչը, հայ-հռովմէական եկեղեցւոյ պատկանող վարդապետ մը:

Կարապետ, այս մասնաւոր ուսուցչին քով դաս կ'առնէր հայերէն, աշխարհագրութիւն, պատմութիւն, ազգային ռամկական երգեր: Մանկական

ա՛յնքան մատաղ տարիքին մէջ, հայերէն բառ մը իսկ չգիտնալով, սիրով կը սերտէր բերանացի հայկական նահանգներու հին անունները, հայ թագաւորներուն ու նախարարներուն յաղթութիւնները, և տղայական զմայլանքով մը կը սիրէր պատմել ամէն հանդիպողի:

Պապէն զատ, մայրն ալ կը մասնակցէր իր սիրուն զաւակին դաստիարակութեան, յաճախ պատմելով մանրավէպեր ու առասպելներ: Դաստիարակուսուցչուհի մըն ալ ունէր, Միս Գըրդիս, — քոյրը մեծանուն արեւելագէտ Կանտնիկոս Գըրդիսի, որ շատ մը գործեր յօրինած է արեւելեան ազգերու կեանքերուն վրայ, որոնց մէջ յիշատակելի է Քրիստոսի ծննդեան քարայրն այցելող երեք մոգերուն վրայ շահեկան հրատարակութիւնը, որուն մէջ ջանացած է հաստատել թէ այդ մոգերէն մէկը հայ էր: — Այս օրիորդն սկսաւ կարապետին առաջին ֆրանսերէն դասը, «Ա. Լ. Ֆապէ Ի ԼԼԻԼԵ ՍԹԵ» դասագրքին վրայ:

Մայրը, Տիկին Մարի Պիլէզիքճի, տիպար մայր, այրիութեան մէջ իրեն համար միակ մխիթարութեան առարկայ ըրած էր իր երեք որբերը, մասնաւոր իր անդրանիկը, որուն վրայ կարծես թէ կեդրոնացուցած ըլլար իր բոլոր մայրենի սէրն ու բոլոր գորովը: Միշտ քովիկն էր, միշտ կը հսկէր միշտ կը գուրգուրար ու կը փայփայէր, սիրաձայնելով զանի կարա, փափկահոնջիւն երկավանկ անուն մը, որ նոր հրապոյր մը կը բերէր աւելցնել թոռնիկին շուրջը, որ արդէն ընդհանուր ազգապատանքին ու մասնաւոր խնամամտութեան առարկան ըլլալէ չէր դադրած: — Ընկերութիւն, հանդէսներ, երգ ու հաւաքոյթներ. — ահա՛ կարայի սիրական բաները. ինք, զեռկենս. Տիգ. Եր.



անտիական, իր վրայ սկսած էր ցոյց առ զգացող, մտածող լուրջ մարդու մը նշանները. նայուածքը տակաւ խօսուն կը դառնար, ու խորհիլ կուտար, ի՛ մասնաւորի իր պապին, որ քանի՛ աճէր թոռնիկը, ա՛յնքան աւելի կը զօգուէր ու կը շարունակէր հոգիով անոր հետ: Խորհուրդ մը կար պապին ու թոռնիկին յարաբերութեանը միջև, պապին մեծ հօրեղբօրը Պետրոս Թընկերին ու իր թոռանը Կարապետ Պիլեգիքճիին միջև ինքզինք կամուրջ մը կը նկատէր, միացման գիծ մը, որ հանճարները կը կապէր իրարու, հանճարը՝ որ ալ չկար, հանճարին հետ՝ որ նոր կը ծագէր: Կարա՛ կարգասէր ու կուկիկ, քիչ մըն ալ ետատէր էր. ամէն անգամ որ մինակ մնար, կը տեսնէին զինք մկրտտիկ մը ձեռքը՝ լրագիրները կը մկրտատէր, կերպ կերպ ձեւերու կը վերածէր թուղթը, մտացածին ու քմածին նկարներով կը սեղնէր յաճախ իր տետրակները: Այս բոլորին հետ, գերազանցօրէն մաքրասէր էր իր ըստընտուին հսկողութիւնը սկսած էր տակաւ տանելի չըլլալ, յորմեհետէ հելլենուհին, բարձրէն բխած հրամանի մը ոյժով, կը բռնանար Կարայի մանկական բնագումարուն վրայ, արգիլելով անմեղ խաղերը, պատուակելով թէ հագուստները կ'աղտոտուէին:

Ամառնային օր մը, Պէօյիւք-Տէրէ շրջագայու թեան ելած էին Թընկեր գերգաստանին անդամները: Կարայի հրճուանքին ու զմայլանքին չափ չը կար: Կապուտակ ծովին ու սպիտակաբաշն ալիքներուն սիրահարն ու մոլին էր. ճամբան, երբ Պէօյիւք-Տէրէյի ծովափը կը պարտէին, ստնտուին ձեռքը պինդ մը բռնած, կ'արգիլէր քայլ մ'առաջ երթալ, կ'ստիպէր զանի տեղը մնալ, թոյլ տալ իրեն որ գիտէ, յագնանալու չափ խորասուզէ իր նայուածքը:

ները հեռուն, Վոսփորի մերթ ասիական, մերթ եւրոպական եզերքներուն վրայ: Այսպէս կը նայէր երկա՛ր, կը սեւեռէր բիբերը մէ՛կ կէտի վրայ անհուն ծովուն տարածութեանը մէջ. հոն, այնպէս կը մնար երազուն, մինչև որ ստնտուն զինք վերակոչէր, ցոյց տալով իրեն մակոյկ մը, առագաստանաւ մը, կամ երբեմն ալ շոգենաւ մը. այս վերջիններուն դրօշակները զննած ու միտքը պահած էր, այնպէս որ, հեռուէն հազիւ երեւել սկսող շոգենաւի մը դրօշակն իսկոյն կը մկրտէր Փրանսական, յուսական, անգլիական, օսմանեան, եւն. մակգիրներով:

Նոյն Պէօյիւք-Տէրէյի ամառնային շրջագայութեան օրը, Կարա, առիթ գտնելով իր ստնտուին ձեռքէն պրծելու, իրեն համատի հելլենուհի մը հետն առած. կը հեռանայ, կը բարձրանայ Պէօյիւք-Տէրէյի կոնակի բլուրն ի վեր. հոն, մանկային անզուսպ իղձով մը, ու երկար ատենէ ի վեր արգիլուած պըտուղի մը համն առնելու բաղդէն մղուած՝ հելլենազջկանը թեւը մտած, բլուրին գագաթը կ'ելնէ, յետոյ թեւ թեւ տուած, երկուքը միասին, աւաղուտ բլուրն ի վար կը սահին կ'իջնեն մինջև ստորտը:

(Այս մանկային անմեղ խաղերուն ու օրերուն հեշտալի յիշատակը յանկարծ կը վերարթննայ Տիգրան երկաթի առկայծ յիշողութեան մէջ, երբ Մեծ կղզին, մահուան անկողնին մէջ, ծանրակսկիծ մայրը՝ սնարին մօտը նստած, իր մահամերձ անգրանկին ձակտին պաղ քրտինքը կը սրբէր, Տիգրան՝ կարծես հին օրերու քաղցրիկ յուշքովը վերակենդանացած՝ կը պատմէ հոն իր յուսահատ մօրը, Պէօյիւք-Տէրէյի պտոյտն ու բլուրն ի վար հելլենուհիին հետ սահ ի սահ էջքը):

կարա շատ կը վախնար մուրացկաններէն, ուրոնց միայն մէկուն հանդիպումը կը բաւէր զանի սրտաբեկելու. ո՛չ միայն կը վախնար, ու կը սոսկար, այլ և կ'ատէր մուրացիկները, զորս «մարդկութեան արատ» ով որակած է ասպա: Կ'երեւի թէ այդ սոսկումին ու ատելութեան անջնջելի հետքը մնացած է Երկաթի սրտին մէջ մինչև իր վերջին օրերը: Իր ձեռագիրներուն մէջէն — զորս հաւատարիմ աւանդապահ, մասունքի պէս կը պահէ տաւրաբաղդ մայրը Տիգրանի — կը քաղենք հետեւալ ո՛չ նուազ ուշագրաւ կտորները, Ֆրանսերէն գըրւած, և հայերէն բառական թարգմանութիւնը կը հրատարակենք ստորև.---

«Կատեմ ժողովուրդն իր կոշտութեան, իր նախատինքներուն ու իր կեղտոտութեան համար:

Կ'ատեմ մեծերն իրենց ամբարտաւանութեան ու արհամարհանքին համար:

«Կ'ատեմ քաղքենի դասակարգերն իրենց ետաւսիրութեան ու իրենց յարումին համար առևտուրին ու գործերուն, զորս իրենց աստուածը կը շինեն:

«Կը մնամ ես, ու կ'ատեմ ինքզինքս ալ, երբ քեզ ծնած չըլլալուս համար աւելի հեշտաբարոյ»:

Քանի՛ մեծնար, ա՛յնքան կ'աճէր իր հետաւքըրքութիւնը՝ գիտնալու, հասկնալու ամէն բան. յաճախ մորը գլխուն կը տեղար հարցումներու կարկուտ մը, որոնց տակ մայրը շուարած, կ'ստիպուէր ա՛լ աւելի զարգանալու, իր հմտութեան պաշարը ճոխացնելու, սրպէսզի կարող ըլլար գոհացուցիչ պատասխաններ գտնելու իր փոքրիկ կարայի անվերջ հարցումներուն, որոնք օր օրի կը բազմապատուէին: Երկիրնքին, աստղերուն, ծովին, շու

գենաւերուն, հանրային մեծ շէնքերուն և իր մանկային ուշագրութիւնը լարող ուրիշ տեսարաններու վրայ միշտ կը հարցախուզէր իր մայրը, կ'ուզէր թափանցել ամէն բանի զաղանիքը. խորը, կարճ ու կցկտուր պատասխաններով ալ չէր շատանար, բացատրութիւն կը պահանջէր ու մանրամասնութիւններ:

Բ.

Գ Պ Ր Ո Յ Ա Կ Ա Ն Տ Ա Ր Ի Ն Ե Ր Ը

Ա՛լ մօտեցած էին զինք Եւրոպա զրկելու օրերը: Մայրը որոշած էր ու վճռած՝ Բարիզի մէջ տալ անոր կրթութիւնը, հաստատուն կրթութիւն մը. կանուխ հասակէն կարայի մէջ գտնելով ուսման անզուսպ եռանդ մը, աշխատելու յամառ ոգի մը, մաքի արտակարգ ոյժ մը: Արդէն խիստ բարձր գաղափար մը ունէր ասպագային վրայ կարայի, որուն վրայ գրած էր իր ոսկեղէն յոյսերը. իր մտատիւ պարն եղաւ անի ու մտահոգութեան սիրուն ու թանկագին առարկան, իրականացումն իր մեծ երաւզին. ուստի, ինք իրեն գործ ու պաշտօն ըրաւ օժտել զանի անստգիւտ ու առողջ գաստիարակուլութեամբ մը, որուն համար յօժարակամ պիտի զոհէր իր բոլոր հարստութիւնը, ինչպէս նաև իր միւս երկու փոքրիկներուն՝ Մարտիրոսի ու Գրիգորի հաւմար. կարա, թէև շատ մտողաշ ու անտիական, բայց գուրգուրանքի ու գործվի ցոլքեր կսած էր կարգալ այն մայրենի նայուածքներուն մէջ, որոնք կուգային սեւեռիլ ու կտուչիլ իր վրայ. նայուածք-

ներ, որոնք ընդհանրապէս կ'արտայայտուէին խանդաղատանքի տաք տաք համբոյրներով, Կարայի թարմ այտերուն վրայ դրոշմուած: Կարա լսած էր արդէն ամէն բան ու սիրտը կը տրոփէր անհուն հրճուանքով մը: Բարիդի հեռանկարը, ամենագեղ դիցուհիի մը պէս, ա'լ աւելի հրապուրիչ, ա'լ աւելի դիւթական ու մոգական հմայք մը սկսած էր ներշնչել անոր մատաղ երեւակայութեան:

Հասաւ հրաժեշտի սպասուած օրը: Կ. Պոլսէն մեկնեցան 1880 Սեպտեմբերին: Առաջին երկայն ծովային ճամբորդութիւնն էր այս, որ Կարայի հետազօտող մտքին համար եղաւ առատ աղբիւր մը: Փոքրիկ աշխարհացոյց քարտէս մը ունէր հայերէն, որմէ կարելի չէր զինք բաժնել. այդ քարտէսը ձեռքը, յաճախ կ'ելլէր իր խուցէն, շոգինաւին եւ զերթը, կը թաղէր իր նայուածքը կապոյտ տարածութեան խորը, ու ամէն անգամ որ աչքին հանդիպէր հրուանդան մը, կղզի մը կամ քաղաք մը, որ նշանակուած ըլլար իր այդ քարտէսին վրայ, կը վաղէր հրճուագին մօրը քով ու կը հաղորդէր անոր որ զգացած անբացատրելի հաճոյքը նոր աշխարհ մը գտած ըլլալու հպարտ գոհունակութիւնը:

Ամբողջ ծովին վրայ իր անբաժան ընկերն եւ զաւ այդ քարտէսը, մինչև որ Մարսիլիա խարսխեց նաւը. ի'նչ մեծ եղաւ սակայն փոքրիկ աշխարհագրին վիշտը, երբ յանկարծ նշմարեց որ իր սիրական քարտէսը քովէն անհետացած էր, ու թափեց մանկային անկեղծ ու առատ կաթիլներ արցունքի, այդ կորսուած գանձին վրայ:

Մայրը դրաւ Կարան Բարիդի մօտ Ա. րդէօյլի դպրոցը, որուն հիմնադիրն էր Հայր Լագորտէր, և որուն վարչութիւնը յանձնուած էր Գօմիսիկեան հայերուն, որոնց մէջէն Հայր Տիտօն եղաւ տնօրէն

այդ վարժարանին, իր կեանքի վերջին տարիներուն մէջ:

Կարա շուտով սիրուեցաւ իր ուսուցիչներէն, որոնցմէ մին, իր մատղաշ աշակերտին վրայ դիտած նշանակելի ճիրքերէն դիւթուած, անոր եօթը տարիներու ուսումնառութեան ընթացքին մէջ կ'ուղղէր յաճախ այս խօսքը. — «Կեանքի նպատակդ Հաստատանը պիտի ըլլայ»:

Գուշակութիւն, որ կէտ առ կէտ պիտի կատարուէր:

Իր կարգին մէջ միշտ առաջին մրցանակը կ'առնէր: Սակայն, մանաւանդ սկիզբները, շատ տառապեցաւ, յանկարծ տեղափոխուած գտնելով ինքզինք տարաշխարհիկ, իրեն համար բոլորովն: Նոր ուօտար միջավայր մը: Զբօսանքի մէջ իր ընկերակիցներուն աղմկալից ժխորներէն բնաւ չէր ախորժեք, ու կ'ըսէր իր մօրը. «Անգամ մը յաջողէի անցնիլ փոքրիկ կարգէն միւսը, պիտի կրնամ զբօսանքներու հաճոյքը վայելել, իմ խաղաղասէր ճաշակներու համեմատ խօսելով ու զուարճանալով»: Եւ որովհետեւ ֆրանսերէն դեռ չէր գիտեր, գիմած էր գերմաներէնին, որով կը ջանար իր միտքը բացատրելու, առանց դժուարութեան — գերմանացի սպասուհի մըն ալ պահած էին տան մէջ: — Սակայն, գերմաներէնը պատճառ եղաւ որ զինք գերմանացի կարծէին իր ընկերակիցները, փոքրիկ ֆրանսացիներ, որոնք Հայր Գերմանէն չէին կրնար որոշել այն խիստ բնական պատճառով որ Հայր՝ Զարդերէն վերջն է որ ծանօթացաւ Եւրոպային. Ազգայնութեան այս շփոթութեան անմիջական հետեւանքն եւ զաւ նախ խուլ հակակրանք մը յետոյ հալածանք մը, Կարայի գէմ, փոքրիկ Ֆրանսացիներուն կողմէ, որոնք թունաւորուած էին արդէն 1870ի ֆրանսոս

գերման պատերազմին կտակած բուռն վրէժխնդրու-
թեան ոգիովը:

Ճակատագրայի՛ն այս բուրբը: Պէ՛տք էր որ
կարա տառապէր նախապէս, վարժուէր ու կուռէր
տառապանքի դպրոցին մէջ, ու նախապատրաստը-
ւէր մարտիրոսութեանը, որպէս զի յետոյ իրաւունք
ունենար ըլլալու ՏԻԳՐԱՆ ԵՐԿԱԹ մը:

Հաւանական է թէ՛ այդ հալածանքին կը պար-
տի կարա իր հսկայաքայլ յառաջդիմութիւնը ֆրան-
սերէնի մէջ, զոր ուխտեց սովորելու, և լա՛ւ սովորե-
լու, որպէս զի գերմանացի կարծուելու անարգան-
քէն ազատուէր: Այդ օրէն դադրած էր գերմաներէն
խօսակցելէ իր այդ փոքրիկ հայրենամուլ ընկերա-
կիցներուն հետ՝ որոնք ապագային պարծանքով ու
հպարտութեամբ մը պիտի յիշէին այդ փոքրիկ Հա-
յուն հետ անցուցած իրենց դպրոցական բարեբաս-
տիկ տարիները: Աւելանային պարապօրդի ամիսները
կուգար անցընել կ. Պոլիս իր ընտանեկան յարկին
տակ. այդ մէկ երկու ամիսները, նորոգումի, վե-
րազարթնումի շրջանը կրնան համարուել, կարայի
պատանեկան քաղցրագոյն ներշնչումներուն, սը-
լացքներուն ու երազներուն: Վոսփօրի ծիծաղագեղ
տեսարաններն հո՛ն էին, աւելի՛ գեղեցկացած ու
աւելի՛ խօսուն մանկային անմեղ կայտիռներուն ու
խաղերուն զովարար վերջուշումը՝ տեսակ մը կազ-
դուրում կը բերէր անոր խոնջած իմացականութեան.
կը սիրէր երթալ յաճախ մենանալ ծիրանի ծովին
երկայնքը պառկած մթնականաչ մարմանդներուն
կռնակէ, դալարի դարեւանդներուն կողերը, հովա-
տուն հովիտներուն գոգը:

Իսկ Ծնունդի ու Զատիկի տօնական օրերը կ'ան-
ցընէր Բարիզ, իր մօրը բարեկամներուն քով, ու
րոնց մէջ առաջնակարգ տեղը կը բռնէ Նօայլի գեր-

դաստանը, որուն պետը Մարքի տը Նօայլ,
կ. Պոլսոյ նախկին դեսպանն էր:

Ծնունդի ու զատկական օրերուն կարայի այ-
ցելած տուներուն մէջէն նշանաւոր է Տիկին Ժա-
գօբսինը, Պօղոս պէյ Տիւզի աղջիկը, ու Տիկին
Պիլէզի քծիի մտերիմ բարեկամուհին: Տիկին Ժա-
գօբս Պօնաբարթեան անուանի ընտանիքի մը հետ
խնամութիւն հաստատած էր և Բարիզ կը բնակէր
մշտապէս: Պօնաբարթեան այս շրջանակին մէջ, ուր
կ'ապրէր, աչքի դարնող նմանութիւն մը կը գըտ-
նէին տղայ կարապետին ու Նաբօլէօն Գ. ի միածին
տղուն, կայսերազուն իշխանին միջև, որուն եղե-
րական վախճանը Զուլուլէն տի մէջ մոռցուած
չէ տակաւին: Եթէ այդ անհետացած երկու դէմքե-
րուն մէջ սերտ նմանութիւն մը նշմարողները կ'ապ-
րին դեռ, չպիտի՞ նաև հաստատեն թէ այդ երկու
քոյր հօգիները կը նմանին նաև իրենց մահովը,
ծաղիկ հասակի մէջ:

Հաւասարապէս կ'ընդունուէր Մարքի տը Նօայլի
ընտանիքին մէջ իբրև որդի մը միշտ սիրուած ու
փնտռուած: Ինչպէս կ'երեւի, կարա բարիզեան բար-
ձրը ու տոհմիկ կեանքին հետ շփուած էր տղայ տի-
քէն վեր, աշխարհ մը, որուն մուտքը կամ մերձեցու-
մը ա՛յնքան դժուար է օտարներուն համար: Այդ
նախնական շփումներուն կը պարտի արդէն ընդար-
ձակ յարաբերութիւնները, զոր ինք մշակեց յետոյ:

Բարձրագոյն կարգերն երբ որ անցաւ, իր զբօ-
սանքի ժամերէն կ'օգտուէր գրելով թատերախաղ
մը, որուն «Նաթալի իշխանուհի» տիտղոսը տուաւ:
Այս եղաւ իր առաջին գրական արտադրութիւնն իր
առոյգ երեւակայութենէն ներշնչուած. բայց յետոյ,
կորսնցուց դժբաղդաբար այս շահեկան երկը:

(Տարաբաղդ մայրը՝ անոր վերջին հիւանդու

թեան ատեն ի Բրինժիբօ, (Մեծ Կղզի) հարցուց իրեն թէ՛ կը յիշէ՞ր իր Արդէօյլի «Նաթալի իշխանուհի»ն, հիւանդը տարտամ ու աղօտ յիշատակը միայն պահած էր անոր):

Ջբօսանքի մէջ ուսուցիչները կը զուարճանաւ յին շաքարներ նետելով բակին մէկ ծայրը, և աշակերտները կը վազէին զիրար հրելով, տիրանալու այդ շաքարներուն: Օր մը, ուսուցիչներէն մէկը, չօքօլայի կտոր մը նետեց դիտմամբ, Կարայի գրտնըւած տեղին վրայ, բայց սա բնաւ հոգը չըրաւ, արհամարհանքով մը տեղէն իսկ չշարժեցաւ, ո՛չ ալ գետինը ծռեցաւ առնելու, մինչգեռ անդիէն ընկերակիցներու երամը խուժեց, իրարու ձեռքէ յափըշտակելու այն կտորը:

Վերջապէս, իր ուսումներն աւարտեց Արդէօյլ, և Դպրութեանց մէջ պատկաւօր (Պաշլիէէս Լէթրը) ընդունուեցաւ ի Սօրպօն:



Գ.

Կարապետ յ'Ամերիկա. - Վերադարձ և բնակութիւն ի Բարիզ. - Գրական նախափորձեր

Երբ 1888ին, Դպրութեանց Պսակաւոր, աւարտեց իր դպրոցական շրջանը, չուզեց վերադառնալ իր ծննդավայրը, ի Կ. Պոլիս, ուր դիւրին էր իրեն համար գոնէ նիւթապէս նախանձելի գիրք մը շինել, կառավարական պաշտօնով մը Բ. Դուռը: Սակայն, ինք տարբեր ասպարէզ մը ընտրած էր ու կը

գգուէր ուրիշ փափագ մը, որ տակաւ կը բանէր իր պատանեկան սովեզօժ երեւակայութեան մէջ, և որուն անհրաժեշտ էր իրականացումը: Անգուսպ եռանդ մը ունէր ճամբորդելու, հեռաւոր ու անծանօթ երկիրներ տեսնելու, ուսումնասիրելու: Ուստի, նոյն տարին աշնան մեկնեցաւ Բարիզէն, երթալու համար Ամերիկա, երբ գեռ տասնըութը տարեկան էր: Ճամբորդութեան մէջ իր անբաժան ընկերն էր իր կրտսեր եղբայրը Մարտիրոս, որուն կը հաղորդէր իր սպաւորութիւնները:

Այսպէս, այցելեց Փար Ուէստն ու Միացեալ Նահանգներուն կարեւոր քաղաքները: Տարի մը մնաց հոն: Յաճախ կ'առանձնանար Նոր Աշխարհի կոյս անտառներուն խորհրդաւոր խորքերը, տեսնել Նիակարայի վեհափառ վէժքն ու լսել անոր հոգեօտարտու մտունչները: Մօտէն գիտեց ինչ ու նոր ձեւերը մեր մոլորակի կեղեւին վրայ խլրտող մարդկութեան, տեսաւ կոշտն ու տաշուածը, վայրենին ու քաղաքակրթուածը, անգամ մը տիրացած իր գեանին քրքրեց ու քրքրեց, հետապնդումով մը սերտեց մանաւանդ ամերիկեան գրական շարժումը: Ու այսպէս իր մէկ տարուան բնակութիւնը Միաց. Նահանգներուն մէջ, գործնական դպրոց մը եղաւ անգլիերէնին համար, զոր կը սիրէր արդէն, ու որուն առանձինն առաջ տարած էր ուսումը, գրպրոցական շրջանի զբօսանքի ու պարապօրդի միջոցներուն: Տեղն է հոս յիշելու թէ՛ Տիգրան Երկաթ ընտիր անգլիերէն ալ կը գրէր և կ'երեւէր Լօնտօնի քանի մը կարեւոր թերթերուն մէջ:

Մէկ տարի ետք վերադարձաւ Փրանսա, ուր քիչ յետոյ բարիզեան գրամատան մը մէջ համեստ պաշտօն մը առաւ, պարապօց ժամերը նուիրելով գրականութեան:

Սակայն, միշտ դժգոհ, իր ներսը խլրտող ու
 եռացող սրդէն, աւելի՛ զարգանալու ու գործելու
 կիրքէն հալածուած, հսկայ ճիգեր կը թափէր վե-
 րածուլուելու, կատարելագործելու իր ուսումները,
 որոնց մինչև իր վերջին շունչը չէր դադար սղ-
 բալէ ամուլթիւնն ու անբաւականութիւնը:

Գրական ասպարէշ... Ահա՛ իր երազը, զինք
 հալածող գեւը. հո՛ն կը կառչէր իր կոչումը, հո՛ն
 կը յագենար իր քաղցը, լաւին, գեղեցկին, ճշմար-
 տին ու վսեմին պապակը, կեանքին կռիւը. անա՛
 իր մտատիպարը. կռիւ, ո՛չ թէ փանաքի գոյութեան
 մը բեկորները պահելու համար, այլ մաքառումը՝
 արեւոյ ընկերական կեղեքիչ կարգին դէմ, դարերով
 նուիրագործուած սուտերուն ու փուտերուն դէմ
 քէն մը, վրէժխնդիր յարձակում մը՝ մարդ էակին
 անկումը նիւթող ամէն կարգի դաւերուն ու հա-
 ւատքներուն դէմ: Ու այս գերագոյն պայքարը մը
 զելու համար արժանապէս ու ասպնովելու համար
 անոր յաղթանակը, պաշարէ պէտքը կ'ըզար ու դէն-
 քի, նոր ու հօօր դէնքերու: Ուստի, կ'ամփոփուի,
 կը բազմապատկուի, կեդրոնացնելով իր բոլոր կա-
 րողութիւններն ու ձգտումները մի միայն իմաստա-
 սիրական, ընկերային ու քաղաքական խնդիրներու
 հետադատութեանը մէջ: Վարպէ՛տ մը պէտք էր սա-
 կայն իրեն, ու գտաւ զանի. Ռընան եղաւ իր նա-
 խասիրած առաջնորդը, որուն փիլիսոփայութիւն-
 ները կը ճաշակէր կատաղի խորթակով մը:

Դրամատան անկիւնը տօմարի մը վրայ հակած՝
 թուանշանները կ'անիծէր, քանի՛ մտածէր թէ այդ
 թուանշաններէն կախում պիտի ունենար իր գոյու-
 թիւնը. ու կ'ատէր տօմարը. իր գրասեղանին առջև
 կ'որոճար նախընթաց գիշերուան իր ընթերցումնե-
 րուն ու վերլուծումներուն վրայ: Պաքօնի, Սքէն-

սըրի, Նովիգովի, Թէնի, Սթէնսոնալի երկերուն
 մէջ, որ իւրաքանչիւր երկի վրայ կը ծանօթագրէր
 իր սեփական դատումներն ու գնահատումները:

Այս առթիւ շահեկանութենէ զուրկ չենք գտներ
 թարգմանօրէն արտադրել հետեւեալ կարեւոր հատ-
 ւածները, քաղուած այս տարուան (1901) «Ռըվիւ
 տէ Ռըվիւ»-ի հրատարակած Տիգրան Երկաթ տիտ-
 ղոսով կենսագրականէն:

«Չորեքշաբթի. — Նովիգով. մտաւորական պայ-
 քարը: — Լեզուն համադրութիւնն է ժողովուրդի մը
 մտային կարողութեանց: Խօսիլ քաղցրաբարբառ-
 հնչուն. հակիրճ, ամենաբարդ միտքերն ամենա-
 պարզ ըսուածներով բացատրելու ատակ լեզու մը,
 անհուն օգուտներ կ'ընծայէ ազգի մը իր հակառա-
 կորդներուն վրայ:

Իսկ ես պարտիմ անդադար ըսել թէ՛ ես ալ
 պէտք ունիմ, հիմէն գիտնալու լեզու մը, որպէս զի
 կարենամ կտրել անցնիլ աշխարհը: Ո՛չ միայն ինծի
 օգտակար պիտի ըլլայ այն՝ կեանքի կարիքին հա-
 մար, այլ և պիտի գեղերփնէ իմ ձիրքերս, եթէ զայն
 գործածեմ իմ գրքերուս ու ճառերուս մէջ: Ու
 սսոր համար պարտիմ զայն ամէն օր մշակել: Ամէն
 օր կարդալ քանի մը տողեր իմ սիրական Ռասինէն
 ու Վոլթէռէն, յետոյ գրելու վարժուիլ կանոնաւոր
 ժամերու մէջ: Այս կերպով պիտի իւրացնեմ այս
 լեզուն, ինչպէս գինին ու միսը, զոր ճաշերուս հետ
 կ'առնեմ»:

Այսպէս իր կոչումը գէպի գրական ասպա-
 րէզը կը շեշտուէր, այլապէս ըսելով իր տաղանդը
 կը ձուլուէր ու կը կերտուէր հրաշալի կերպով:
 Բարիզի ցոփ ու զեղիւ միջավայրէն երբեք չէր ազ-
 դուեր. երես կը դարձնէր ամէն բանէ, որ ներ-
 շնչումը կը խեղդէ: Դրամատան ճնշող մթնոլորտէն

անգամ մը դուրս նետած ինքզինք, շունչը կ'առնէր Ազգային Մատենադարանը. (Պիպլիթէք Նասիօնալ) կը թաղուէր, կը խորասուզուէր, ժամեւրով, ու մտքով ու սրտով կազգուրուած, կը վերագառնար իր սենեակը: Ուսանողներ ու գրասէրներ, օտար թէ ֆրանսացի, կը տեսնէին յաճախ զանի թանգարաններուն կամարներուն տակ, գեղեցկագէտի աչքով կը զննէր հնութիւնները:

Ա'լ ինքզինք պատրաստուած զգացնրա պարակին, ուր իր նախաքայլերը պսակուեցան յաջողութեամբ: — «Նուվէլ Ռըվիւ», «Նուվէլ Ռըվիւ Ինթէրնասիօնալ», «Ֆիկարօ», «Կօլուա» — և ուրիշ կարեւոր թերթերու մէջ մեծ ընդունելութիւն գտան «Կարապետ պէյ» ստորագրութիւնը կրող իր սկսնակի յօգււածները, որոնք ընդհանրապէս նախափորձերն են Արեւեքի վրայ: «Հայերը», «Աէյլագ հանրմ Բիւսթէմ», «Բէֆի երեք կերպարանքները», «Կիւկլաւ կանքը» (Յունական կղզիներուն բարքերէն): Արեւելքի զաւկի մը այս խիստ Արեւմտեան գաղափարները, յաջորդական հրատարակութեանց շարքի մը մէջ, որոնք զանազան եւրոպական թերթերու մէջ ալ արտագրուեցան, շուտով համակրութեան հոսանք մը ստեղծեցին երիտասարդ հրապարակագրին անուան շուրջը:

Գ.

Յօդուածները. — Բարեկամները. — Զուգակշիռ մը. —
Վերագարձը կ. Պոլիս — Ուսուցիչ ու թղթակից

Համակրանքն երթալով աճեցաւ ու հայ հրապարակագրին անունն ու յօդուածները Բարիկի գրական ու քաղաքական շրջանակներուն մէջ բերնէ բերան կը պտըտէին:

Օր մը, Բուայեալ փողոցին Համալսարանը զանի հրաւիրեց բանախօսել Արեւելքի խնդիրներուն վերայ: Հո՛ն, անդրանիկ բանախօսութիւնն ըրաւ 1893 Մայիս 24ին, երբ դեռ քսաներեք տարուան էր: Երիտասարդ ատենաբանը իր թռվիչ ու յանկուցիչ խօսքերուն հրապոյրին տակ պահեց երկար ատեն, հոն խռնած փայլուն երկսեռ խումբը հանդիսականներուն, որոնց ուշը դարձուց դէպի պատմութիւնն ու բարքերը իր ճառած երկրին:

Այնուհետեւ Կարապետ Պիլէդիքճի սկսաւ ընդարձակել իր յարաբերութիւնները:

Վեհ կեցուածք, վայելուչ շարժուածք, հեզիկ ու անյողգողգ նայուածք, լուրջ ու գիւթիչ խօսուածք, մէ'կ բառով, գեղեցիկ արտաքին մը, գերազանցօրէն զգայուն սրտի ու պաշտելի հանճարի արտայայտութեան մը հետ խառնուած, հիանալի նկարագիր մը կը կազմէին անոր մէջ ու համակրելի կ'ընէին զանի ամենուն. և որովհետեւ վեց լեզու դիտէ, կը խօսէր ու կը գրէր. — Հայերէն, Ֆրանսերէն, Յունարէն. Անգլիերէն, Գերմաներէն ու

Թուրքերէն — նեղութիւնն չէր կրեր երբեք ընկե-
րութեան ազնուագոյն խաւերուն հետ շփուելու։
Արուարձանին (Բարձր Դասակարգին թաղը) սրահ-
ներուն մէջ նկատուած է հմտութեան ու ազնուա-
կանութեան զարդ մը, արեւելքի երկինքէն հոսող
անուշ ճառագայթում մը։

Իր բարեկամներուն մէջ կը հաշուէր մեծանուն
մարդիկը որոնց մէջէն կը յիշենք մէկ քանիները.—
Ժան Ֆինո, Մօրիս Պարէս, Էմիլ Զօլա, Տընի Քօ-
չէն, Ժան Ժօռէս, Միլվուա, Լայլն։ Այս թանկա-
զին բարեկամներուն մէջէն թերեւս ամենասիրելին
Մօրիս Պարէս, յաճախ կը կրկնէր թէ՛ «Գեղեցկու-
թեան ու բանաստեղծութեան անբաղդատելի ազ-
բիւր մը» կը նկատէր կարապետը։

Սակայն, տարաբաղդ բանաստեղծը, իր վառքի
ճառագայթումին մէջ իսկ սկսաւ զգալ ճնշումը տա-
ռապանքին, ուղիղ համեմատութեամբ մը աւելցած՝
ակամայ ծախքերուն հետ, զորս ստիպուած էր ինք
ընել, երբեք չը մատնելու համար իր նիւթական
սեղմ ու սահմանափակ պայմանները, ու պահելու
համար իր բարձր դիրքը, գրական թէ քաղաքական
հոյակապ աշխարհին ընկերութեանը մէջ։

Ու եղան օրեր. 1893ին մանաւանդ, ուր կարա-
պետ թշուառութեան հետ դէմ առ դէմ, գերազոյն
կռիւր կը մղէր, ու այդ յուսահատութեան վսեմ
ձգնաժամուն՝ ինքնասպանութիւնն իրեն կը թուէր
գեղեցկագոյն միջոց մը փրկութեան, ա՛յնքան ծանր
էին ու ա՛յնքան ահռելի իր նիւթական տառապանք-
ները... Հաւաստողներ կան թէ՛ անի յօդուածներ
ունի քաղաքական, զորս խմբագրած է խուցի մը
մէջ քաշուած, քաղցի գալարումներուն ու ցուրտի
սարսուռներուն տպաւորութեանը տակ։

Բարիզի անգութ ու անտարբեր միջավայրին
բոլոր սոսկումն ու նողկանքը բերենք գնենք վե-
նետիկի ամռքիչ ու մոգական միջնորոտին բոլոր
գուրգուրանքին քով, մայրաքաղաքին խլացնող ժը-
խորն ու կղզեակի մը խաղաղասէր միայնութիւնը
բերենք աչքի առաջ, ու պիտի ունենանք աղօտ
գաղափար մը՝ բնութեան ու պայմաններուն վրայ
երկու գործիչներուն, Տիգրան Երկաթին ու Միխ-
թարեանց, առաջինը զրկանքի ու տառապանքի փու-
շերուն մէջէն բանալով իրեն ճամբան, իսկ վեր-
ջինները, վարդերու բուրմունքներով արբշիւ՝ եր-
գելով շիջեալառ անցեալը Հայրենիքին։ Տիգրան՝
գեռածուխ աւերակներու մոխիրովն ու նոր նահա-
տակներուն ջերաջեր արիւնովը բաղադրելով իր
բողոքը, Միխթարեանք՝ անցեալի փոշիներէն ու
բեկորներէն հաւաքելով իրենց գրական ու ազգային
կառոյցին ատաղձները։

Միխթարեանք՝ մէկէ աւելի պատկառելի կը-
տակներէ գոյացած ու զարերու տնտեսութեամբ
բազմապատկուած հասոյթներու վրայ բազմած, դերձ՝
ընտանեկան ու ընկերական ճնշող ու խեղդող պայ-
մաններէն, մենակեցութեան երանաւէտ անդորրու-
թեան ծոցիկն օրօրուելով, ազօթելով ու նուագե-
լով, գրելով ու տպագրելով, վերջերս ալ (1901ին)
անմեղ ու բանաւոր փառասիրութեամբ մը հեշտան-
քով տօնելով իրենց հիմնարկութեան երկերիւրամ-
եակը՝ հայութեան յարգանքը կը վայելեն։ Իսկ
Տիգրան Երկաթ՝ Թուրքիոյ սնանկութեան հետե-
ւանքով քանդուած վաղեմի աղնիւ գերդաստանի մը
զաւակը, զուրկ՝ գոյութեան տարրական միջոցնե-
րէն, հոգեբանական ահռելի կացութեան մը մէջ,
գրելով ու խօսելով՝ վիճելով ու մաքառելով, պաշտ-
ՏԻԳՐԱՆ ԵՐԿԱԹ

պանեց իր ցեղին Մեծ Դատը, պարզեց ներկային Սարսափը, պահանջեց Եւրոպայէն՝ քաղաքակիրթ Մարդկութենէն, տանելի կացութիւն մը Հայաստանին համար, որուն ազատագրութեան երազովը սընաւ: Վերջապէս՝ ներկային, ո՛չ թէ անցեալին մարդն եղաւ Տիգրան Երկաթ, ու Ապագային Մարդը պիտի ըլլար՝ եթէ ապրէր:

Այսպէս, բախտի հակահարուածին տակ, որոշեց վերագառնալ իր ծննդավայրը՝ ընտանիքին քով, որ ահագին կորուստներ տուած էր Օսմ. Կայսրութեան մէջ տիրող անիշխանութեան հետեւանքով:

«Ռեվիւ տէ Ռեվիւ»ի մէջ այս տողերով կը բացատրուի Կարապետի վերագարձը Կ. Պոլիս:

«. . . Կեանքը սակայն կը դժուարանայ իրեն համար. իր ընտանիքին ձախորդութեան պատճառով, հետեւանք տնտեսական տագնապին ի Թուրքիա, Կարապետ կը տեսնէ որ ինք իր գրչով ապրելու դատապարտուած է: Կը ճանչնայ այսպէս գերագոյն անյուսուցեան ժամերը, որոնք աւա՞ղ, աղիտաբեր հակահարուած մը տուին իր առողջութեան: Գոյութեան դժուարութեանց դէմ մղած կըռուին մէջ կ'ստիպուի խորունկ ցաւով թողուլ Բարիզը՝ նոյնիսկ ա՛յն պահուն, ուր փռքը կ'սկսէր ժպտիլ իրեն. «Ռեվիւ տէ Ռեվիւ»ի մէջ շարք մը յօդուածներու հրատարակութեամբ»:

Կ. Պոլիս իր վերագարձը, 1893 Գեկտեմբերին կ'ողջունուի համակրելի ընդունելութեամբ՝ քրիստոնեայ թէ մահմետական աշխարհին կողմէն: Շատ ժամանակ չանցնելը, Ֆրանսայի պատմութեան ուսուցիչ կը կարգուի Կ. Պոլսոյ թուրք վարժարանի մը մէջ, ու այսպէս, իր յարաբերութիւնները հին մահմետական աշխարհին հետ, կը թոյլատրեն իրեն թափանցել թուրք հոգին և մօտէն հետեւիլ ընկե-

րային, քաղաքական ու մտաւորական շարժման, ի Թուրքիա: Հետզհետէ Արեւելքի վրայ առաջնակարգ ուսումնասիրութիւններ կը դրկէ «Ռեվիւ տէ Ռեվիւ»ի, որուն թղթակիցն էր: Միևնոյն ժամանակ կ'աշխատակցի Կ. Պոլսոյ «Հայրենիք»ին (Մելիքեանինը չը հասկցուի):

Ահա՛ շարքը յօդուածներուն, որոնք հրատարակուեցան յիշեալ ժողովրդական թերթին մէջ, որ յետոյ, արիւնոտ դէպքերուն ատեն խափանուեցաւ:

«Մանկական հոգիներ», 1895 Յունիս 17, Յուլիս 8, 26, Օգոստ. 13, (թիւ 1192, 1213, 1231 և 1249), 1896, Յունիս 16 և 23, թիւ 1391 և 1398:

«Կնոջ դերը» 1896 Յուլիս 20, թիւ 1395:

«Աքիլլէս Բարասքոս» 1896 Յուլ. 7 թ. 1412:

«Մեր կապիկներն ու թուլթակները». — 1895, Մարտ 5. թ. 1165:

Այս յօդուածները հիացումը խլեցին ընթերցողներուն, որոնք չէին ճանչնար հեղինակը, որ կ'ըստորագրէր «Կարապետ», «Միր-Կարօ»:

«Մանկական հոգիներ»ուն մէջ կը յանձնարարէ բարոյական ճշմարիտ բարձրութեան համապատասխանող դաստիարակութիւն մը, ու ասով ցոյց կուտայ իր մէջ Բարիին ու կատարեալին սէրը, յառաջդիմելու անզուսպ տենչը, կը ներշնչէ իր հայրենաակիցներուն՝ միջոցներ, այդ բարձունքը թեւակոխելու, անկախ և լուսամիտ զաւակներ պատրաստելով:

Ե,

Նոր ուղի մը. - Թուրք խաւերը ջարդերէն յետոյ. -
Յեղափոխականը

Այսպէս, «Հայրենիք»-ի մէջ յաջորդաբար հրատարակած շահեկան յօդուածներով կ'ուզեմ հաստատուողութիւն մը տալ առհասարակ կրթութեան, հիմնելով զան Եւրոպայի նորագոյն գրական գաղափարներուն վրայ: Այս էր իր համոզումը. պատրաստել առողջ սերունդ մը, որ կարող ըլլար մաքառիլ միջավայրին յարաճուն ու կործանարար ազդեցութեան դէմ. ինք շաւղի գիտէր թէ՛ Հայ Յեղը դարաւոր ստորկութեանը մէջ ժառանգած էր արիւղ ու գրացի թըշնամի ցեղերէն, շատ մը մտլութիւններ ու ախտեր, և թէ՛ պիտի փճանար անտեսապէս, բարոյապէս ու մտաւորապէս, և թէ՛ չը ներարկուէր անոր մէջ նոր արիւն մը քաղաքակրթութեան: Գիտէր թէ՛ եկեղեցիներուն կողմէ՛ ցցուած դպրոցներուն մէջ, մանկուցիւթիւնը կը խամբէր, տարուէ տարի տիրացուներու թիւը կը բազմապատկուէր, վերացական ու ջղայնոտ երիտասարդութիւն մը կը կազմուէր, որ բոլորովին օտար էր դարուն գրական ու գիտական շարժումներուն: Սահմանազրութիւնը հանդէսներով ու երգերով փառաբանող և ժամավաճառ ժողովներով անոր նշանակութիւնը ժխտող ապիկար սերունդ մը, որ գաւառներուն խորերը ճնշուող ու հարստահարող միլիոնաւոր ազգակիցներուն փճացումը կը գիտէր, ոճրապործ անզգամութեամբ մը:

Տիրգրան Երկաթ այս ամէնը գիտէր ու իր ամենուրեքայ մտահոգութեան առարկան ըրած էր այս տըլիւր իրականութեան դարման մը գտնելը: Ուստի, առհասարակ դաստիարակութեան սկզբունքները քարոզելով ընդհանրացնելու մէջ չը սեղմեց իր ջանքերը, ուղեց նոր ուժեր ու նոր ազգակիցներ պատրաստել ազգային կեանքին: Յանդուգն գաղափարը յղացաւ կառավարութեան դէմ հանելու թուրք լուսամբիտ մասը, տապալելու համար Սուլթանին բռնապետական քաղաքականութիւնը:

Այս կերպով միայն կարելի կը կարծէր Բարենստրոգումներուն մուծումն ի Թուրքիա, որուն անմիջական հետեւանքը պիտի ըլլար Հայերուն դիւրացնել Մայր Հայրենիքին մէջ անկախութեան համար կռուին լուռ ու մուռ պատրաստութիւնը. զի գիտակցօրէն կ'զգար թէ՛ ո՛չ ինչ ձեռնարկուած էր պաշտպանողական, և թէ՛ ու է լուրջ փորձ մը կատարուած չէր ամբայնելու Հայաստանի կիրճերն ու կապանները:

Օգտուելով իր ուսուցչական պաշտօնէն Թուրք վարժարանի մը մէջ, այս նպատակին համար ջանաց ուժեղ ազդեցութիւն մը ի գործ դնել Ա.Հ.Մ.Ե.Տ Մ.Ի.Տ. Հ.Ս.Տ ի վրայ, որ այն շրջանի ազատական հին թուրքերուն մէջ հեղինակաւոր ներկայացուցիչ մը նըկատուած էր, մայրաքաղաքին երեւելիները, քաղաքական անձնաւորութիւններ, գրագէտներ, իւրեք մասներ ու պատկառելի շէխեր, Ասիական Թուրքիոյ հեռակայ խորերէն եկած, համախմբումներ կ'ուներնային Ահմէտ Միտհատի Պէյքօղլի գոնազը, ուր, ճառերու նիւթ էին աստուածաբանութիւն, գիտութիւններ, արուեստներ ու քաղաքականութիւն. Տիրգրան ընդունուած էր այս գումարումներուն մէջ:

որ զինք բարձրորէն կը շահագրգռէին, այն յայտնի ու զօրաւոր պատճառով որ կը գիւրացնէին իր ծրար գիրը, ընդ վզեցնեւ թուրքերը: Բարեկամու թիւնն ու յարգանքը կը վայելէր Միտհատի, որ զանի ստէպ կը հրաւիրէր ու մեծամեծ պատիւներով կ'ընդունէր: Այս շրջանակին մէջ ատեն մը ապրեցաւ ու հոն կատարելագործեց իր ուսումնասիրութիւնները, թափանցեց թուրք հոգին, խլեց գաղտնիքները, կամ այսպէս ըսենք, հո'ն հաւաքեց «Թուրքիան կրնա՞յ ապրիլ»ին ատաղձները:

Սակայն շատ ժամանակ չանցաւ, վրայ հասան Հայաստանի Զարդերը, ի դերե հանելու համար Կաբապետի ա'յնքան հանճարեղ ծրագիրը, որուն իրագործումը կը հետապնդէր, ճարտարմտօրէն ազդելով Միտհատի վրայ ու անոր բարեկամները ներշնչելով բարենորոգումի ճամբուն մէջ: Ա'լ հակցաւ թէ՛ գործելու ժամը հասած էր և թէ՛ ամէն ճշմարիտ հայրենասէր պարտ էր անյապաղ նուիրուիլ իր ազգին ծառայութեանը, նո'յնիսկ մահովը, Հայաստանի ազատագրութեան համար: Խղեց թուրքերուն հետ իր յարաբերութիւնները, զատուեցաւ Ահմէտ Միտհատէ, հպարտ խստութեամբ մը պարսակելով զանի, թէ ինչո՞ւ կը շլանար շնորհներու ցոյցերէն Ապտիւլ Համիտի, որուն — շեշտեց անոր ուղղած նամակին մէջ — ջերմեռանդ ու հլու ծառայութիւն մին եղած էր:

Այս խզումը տեղի ունեցաւ Սասունի անդրաւնիկ ջարդերուն վաղորդայնը: Դեռ նոր հրատարակութեան սուած էր «Ռըվիւ տէ Ռըվիւ»ի մէջ Քաւառ Քաթիպայի քանի մը բանաստեղծութիւնները, երբ մայրաքաղաքը հասաւ ջարդերուն քսամներէ գոյժը: Երիտասարդ հայրենասէրը զայրացաւ, ու հոգին այնքան գորովալից, ընդվզումի ճամբան բռնեց. նո'յն րոպէին վճռեց ինքզինք նուիրել իր ազ-

գի սրբազան դատին, մօտենալով ՀնՁԱԿԵԱՆ ու ԴԻՐՕՇԱԿԵԱՆ յեղափոխական գօմիթէներուն, որոնց յետոյ քաղաքական առանցքը պիտի ըլլար: Երկուքի'ն կը սիրէր ջանքերը, բայց երբեք ուժ չէր ուզեր տալ անոնց յախուռն ու աննպաստ գործողութեանց որոնք հակառակ էին քաղաքականութեան: Սեւեռուն գաղափար մը ունէր անի. — ԿԻԼԻԿԻՈՅ ՄԷՁ ՎԱՐԵԼ ԱՊՍՏԱՄԲՈՒԹԻԻՆԸ... Կիլիկիան՝ ուր մարը մտաւ Հայուն ազատութեան արեւը, Կիլիկիան՝ ուրուն ծոցէն պէտք էր նորէն ծագել այն:

Պաշտելի հոգի՛ Տիգրան Երկաթի, ներէ՛ ուրեմն, որ Կիլիկիոյ զաւակի մը ինկաւ բախտը քեզ երգելու ու կեանքդ արձանագրելու:

Այո՛, հո'ն, Կիլիկիոյ կիրճերն ու անառիկ լեռները յառած կեցած էին մաքուր յեղափոխականին ու ճշմարիտ հայրենասէրին արծուի նայուածները: Տիգրան Երկաթի հանճարը հո'ն կը հաւատար ստեղծել ընդվզումին ու Մեծ Կռուին կռուանը:

Հոս կ'սկսի քաղաքական դերը Տիգրան Երկաթին, ծածկանուն՝ զոր սիրած էր ընտրել հայ կեանքին փառաւոր էջերուն գէմքերէն — Արշակունի Տիգրան Մեծ ու Բագրատունի Աշոտ Երկաթ — երկու փոխ անուններ՝ որոնք սահմանուած էին կարապետել իրեն դէպի Վտանգին ճամբան ու Փառքին:

2.

Ջարդերը. — «Հայ Գրական Շարժում»-ին վերջին էջը. — Կ. Պոլսոյ Մեծ Ջարդը. — Նէլիտօֆ

Կաշի տօնին, 1895ի Սեպտեմբեր 30ին, Հայերը փորձեցին հաւաքաբար իրենց տրտունջները հազար գել Սուլթանին, Բ. Դրան առջև Յոյցով մը, խընդրելով որ վերջ տրուի Հայաստանի մէջ անպատիժ գործուած խժոժանքներուն, ու դորձագրուին Պէրլինի Դաշնագրին 61րդ Յօդուածով գծուած Բարեւորօրումները: Դուռը՝ Հայերուն այս արդար ու բանաւոր պահանջքին պատասխանեց սուինի ծայրով ու հրազէնքերու հարուածներով հայ առիւնը հոսեցաւ Դրան պողոտային ու Սթամպուլի փողոցներուն մէջ: Մահմետական մոլեռանդութեան համաճարակը մայրաքաղաքէն նահանգները, նահանգներէն՝ գաւառները, գաւառակներն ու գիւղերը փոխանցուած, Ջարդերը պաշտօնական ձև առին ու ընդհանրացան Երլարդէն արձակուած գաղտնի հրամաններու համաձայն:

Միևնոյն վայրագ ու կոյր խուժանը, թալանի ու արիւնի ծարաւէն մոլեգնած՝ յարձակեցաւ հանգարտիկ հայերուն վրայ, որոնց ձեռքէն ժամանակին առնուած էր իրենց զէնքերը. արեան հեղեղը վազեց հայաբնակ կեդրոններէն մէկ ծայրէն միւսը. Տրապիզոն, Սեբաստիա, Կեսարիա, Կարին, Բաղէշ, Եգեսիա, Մարաշ, Այնթապ, Տիգրանակերտ, Քարբերդ, Արաբկիր, գեղ ու քաղաք տեղ մը չը մնաց զերծ՝ աւարէ, սուրէ, կրակէ, ու այս բոլորը՝ քրիս-

տոնեայ տէրութեանց աչքին առջև... կաշառուած, ամբարիշտ, ստրուկ ու կեղծաւոր մամուլը՝ Թուրքիա ու Եւրոպա, լուռութիւն պահեց այս դարավերջիկ Սահելի Ոճիրին վրայ. բայց, շուտով հասան լուրերը Պոլիս ու տարածուեցաւ:

Տիգրան Երկաթ, իր ազատական անդուստի հաւկումներուն թափովը, անպատիժ բարբարոսութեան հանդէպ կը զայրագնի, կը տառապի, կ'ընդվզէ: Ինք իր մէջ կ'սկսի նեղ զգալ, երբ կը տեսնէ որ բովանդակ վաղեմի ազգ մը կը ջնջուի սպառապառ, արիւննոտ ձեռքովը դժնէ գահճապետի մը, որուն կը մեղսակցի Լեռնական դիւանագիտութիւնը: Կը վճռէ ուրեմն ինքզինք նուիրել այն դատին, որուն համար պիտի կոռուէր իր գրչով: «Գրածներս ուժանակ պիտի ըլլան» կ'ըսէր ինք: Ու այնուհետև ձեռք կ'առնէ ազգայնութեանց սկզբունքներու պաշտպանութիւնը, ինքզինք վտանգելով երբեմն մահու չափ:

Ընդհանուր ջարդերէն վերջն է որ Լեռնական մամուլին մէջ կը շարունակէ գրել: Այսպէս, մամուլին գահերէցը Թ.Ա.Յ.Մ.Ջ, այն օրերը հրատարակեց Հնչակեան Յեղափոխական Կուսակցութեան հռչակաւոր յայտարարութիւնը, Երկաթին գրչէն, որ կայծակի արագութեամբ շրջան ըրաւ ու քաղաքական աշխարհին ուշը գարձուց դէպ ի Հայկական Դատը: «Ռեվիւ տէ Ռեվիւ»ն, 1896 Օգոստ. 15ին հրատարակեց անոր «Հայ գրական շարժումը» յոդուածը, որուն վերջին էջը թարգմանաբար հոս կը ղետեղենք, ցոյց տալու համար թէ՛ Երկաթ ս'ըքան աղնիւ մտահոգութիւններէ կը տանջուէր Մայր Հայրենիքին համար:

«Հայ գրականութիւնը կապուած է հայ ժողովրդի ճակատագրին հետ, սեղմուած փակուած երեք միապետական տէրութեանց միջև, որոնք բան գործ

ըրած են խեղդել ընկերային նորոգումի ամէն գաղափար: Հայերը դեռ չհանցուցին կռիւներուն շրջանը: Նորէն պիտի տեսնեն ողբերգական օրեր: Անշուշտ կառավարութիւններէն զուրս, Արևմուտքին մէն մի գաւառին մէջ մարդիկ կան, որոնց համակըրանքն ստացուած է Արիներու ցեղէն սերող ազգի մը նկատմամբ, որ օժտուած է հինաւուրց Ասիոյ սըրտին մէջ քաղաքակրթութեան վառարան մ'ըլլալու համար: Մենք չպիտի մոռնանք անոնց անուները, և թերևս անոնց սոսկ յիշատակը մեզ օր մը ներել պիտի տայ մինչև իսկ մեր ազգային գոյութիւնն ուրացողներուն, որ ոսկի առին մեր արիւնին մէն մի չափին փոխարէն: Արծրունիի ու Քամառ Քաթիպայի որդիներ, ո՛չ թէ օտարին, այլ մե՛ր իսկ մէջ պարտինք փնտռել ուժեր: Հայաստանը դեռ նոր զարնըւեցաւ ջարդերով, որոնց քով Սասունցիներն ա՛լ բան մը չեն, ու նիւթական կորուստներով, որոնք քսան տարիներու աշխատանքով հազիւ կրնան դարմանուիլ: Չիւնը վեց ամիս պիտի պատէ մեռելներն ու կողոպտուած ողջե՛րը: Այս ժամը մին է մեր պատմութեան ամենէն աւելի անգութներէն ու ամենէն վճռականը: Մենք մեր վրայ ամփոփուինք: Մենք մէկըմէկ աւելի շա՛տ սիրելով, մենք զիրար կուրծք կուրծքի սեղմելով, մենք զմեզ կրօնքով իրարմէ զատողներէն օգտուելով, մեր բոլոր սխալները խոստովանելով, ուշադիր հետեւելով Եւրոպայի բոլոր գաղափարներու շարժումներուն ու մեզ պատող պաշարող բարբարոսներուն հոգին հետադօտելով է որ, քանի մեր բոլորտիքը վտագներն ածին, ա՛յնքան պիտի ուժը ունենանք խելքով անոնց տիրապետելու, և օր մը վերջապէս զանոնք հեռացնելու, մեր բազուկներուն ծանրութեամբը»:

1896 Օգոստոս 26ի առաւօտը, Տիգրան Երկաթ

չը գիտնալով թէ այն օրը պիտի պայթէին ծանրակշիռ գէպքերը, որոնք ատենէ մը ի վեր կը վախցըւէին Կ. Պոլսոյ մէջ, Սթամպուլի թուրք վարժարանը կ'երթար. բայց ճամբան, իր հայ բարեկամներէն մին իմացուց իրեն որ հայ յեղափոխականները մէկ վայր կեանէն միւսը, գործելու կը պատրաստուէին և թէ հետեւաբար, ինքզինք ստոյգ վտանգի մը կ'ենթարկէր եթէ այդ մուհառնդ մահմետական թաղերուն մէջ ինքզինք նետէր: Ուստի տուն վերադարձաւ ու քիչ յետոյ խառնակութիւնները պայթեցան ահռելի ու արիւնոտ:

Իսկ Մարտիրոս Պիլէզիքճի, Տիգրան Երկաթին կրտսեր եղբայրը, նոյն առաւօտը Օսմանեան Դրամատունը գացած էր իր գրասենեակը: Անվեհեր կերպով ներկայ եղաւ Դաշնակցականներուն յարձակումին ու ի՛նք ալ վառուած հայրենասիրական թունդ զգացումներով, վայրկենապէս ինքզինք տրամադրելու ըրաւ Պետերուն, որոնք թոյլ տուին իրեն որ շաբադէ ու գրէ իրենց տուն տալովը, ԴԻՕՇԱԿԵԱՆ ԴՕՄԻԹԷԻՆ Ազգագիրը, զոր Պ. Ժ. Օպուանօ - Դըրամատան Տնօրէնը - ստանձնեց Պալատը տանիլ: Բախտը բերած էր ուրեմն որ այս հրամայական գըռութիւնը, որ տէրութեանց ծանօթացուց զինուորեալ հպարտ Հայաստան մը, տողուած ըլլար Տիգրան Երկաթին եղբօրը ձեռքովը:

Մարտիրոս յետոյ ինքզինք նետեց վիրաւորուած դաշնակցականներուն գիրկը. ամէն բան ըրաւ մեղմելու համար շարչարանքը քաջամարտիկ Միսակին, որ ուռմբի ահռելի պայթումի մը զոհ, արիւնի մէջ կը լողար ու զինք ճանկերուն մէջ ձգող հոգեվարքին յաղթելով՝ դեռ ինք իր մէջ ուժ կը գտնէր երգելու Քամառ Քաթիպայի մարտաշունչ երգերը, շըրջապատուած իր զինակիցներէն, եղերական ու հան-

գիտաւոր լուսթեանը մէջտեղ Օսմանեան Դրամատան, որ այդ պատմական գիշերը թաղուած ընկըզմած էր աղջամուղջին մէջ:

«Այս գիւցաղնային տեսարանը բացարձակօրէն սրտառուչ էր ու կը թողւեր ուժգին տպաւորութիւն մը, յարձակումէն սոսկացած ու քարացած պաշտօնեաներուն ինչպէս նաև արի դաշնակցականներուն վրայ: Դրսէն կը հասնէր զիրար խաչաձեւող գնդակի հարուածներուն չարագուշակ շկահիւնը, ճայթը ուժերուն. որոնց միջոցով Դրօշակեան խումբեր, Դրամատան բոլորտիքը բռնած՝ յուսահատ կռիւ մը կը մղէին ու վայրենի ռոնումները հրաղէններուն (սօփաճի) ու արձակուած խուճապի ճիչերը զոհերուն որոնք կը թնայուէի՛ն... »:

Գաշնակցականներուն անձնատուութիւնն երբ որ իմացաւ Տիգրան Երկաթ, չը ծածկեց իր սաստիկ սրտմտութիւնը, նոյնիսկ մօրմէն ալ. «Դրամատունը մտան հերոսներու պէս, պոռաց, բայց պէտք էր որ օգը հանէին տեղը, քան թէ թողէին այսպէս առանց արգիւնքի. եղբայրս պիտի կորսուէր հօն, ի՞նչ փոյթ, Հայաստանը պիտի պատուըւած ըլլար... » Գաղափարային հայրենասիրութեան ա՛յս վայրկեանին, կաթաղութենէն իր գեղեցիկ երեսները վայրենացած էին ու իր աչքերուն ցոլքը կ'ըսէր թէ՛ աւմէն բանէ վեր կը դասէր Մայր-Հայրենիքին շահը:

Ուրիշ պարագայի մը մէջ, յայտարարած էր թէ՛ ինք կ'ուզէր որ իր շուրջ ու ընտանիքին մէջ ամէն մարդ ընտանեւէր ըլլայ ու յեղափոխական:

Յաջորդ օրը, Օգոստոս 27ին, ջարդերուն աւտեն, ուսական դեսպանը՝ Մ. Եր Նէլիտօֆ, Տիգրան Երկաթի ընտանիքին խիստ վաղեմի բարեկամներէն մին, պաշտօնական ձեւի տակ այցելութեան գնաց Բէրա, Տ. Կարապետ Թընկերի բնակարանը,

թուրքերու յարգելի ընծայելու գիտումով, ինչպէս կը կարծուի, այդ տունը: Զինք ընդունեց Տիգրան Պիլէզիքճին, որուն այս գաղտնի խոստովանութիւնն ըրաւ ոճիրներուն առթիւ. — «Հայերը շատ գէշ ըրին, այսուհետև կորուսին ամբողջ աշխարհի վտանգութիւնը, զոր կը վայելէին իրենք: » Իսկ մայրաքաղաքին մէջ, վտանգին համար. «Տիգրան, յայտարարեց, այդ մասին չեմ կրնար գէճեղ սպասովել. կա ցուժիւնը շատ ծանր է, մենք անգամ կը գտնուինք տակը սպառնալիքին հայ գոմիթէններուն, որոնք մեզ զի հոսցուցին թշնամական նամակներ. մեր սեփական գոյութիւնը վտանգի մէջ է»: Այս («ամբաւաւոր նամակներ»)ուն — որոնք Բէրայի դեսպանատուները յանձնուած էին և որոնք այնքան ուժգին տագնապ մը կ'առթէին Տէրութեանց մեծագոյն ներկայացուցիչին — հեղինակը Տիգրան Երկաթ էր, որ իր մեծ հօրը շքեղազարդ կարմիր սրահին մէկ անկիւնը պահուրտած, անձկօտ սպասումով մը կը չարիէր Մ. Եր Նէլիտօֆի քաղաքական խօսքերը:

Կ. Պոլսոյ փողոցներուն ու արուարձաններուն մէջ տասը հազար հայերու կորուստ բերող այս Զարդին անհելի տեսարանը խիստ ցաւագին աղղեցուցութիւն մը ունեցաւ Տիգրան Երկաթի վրայ, որ սակայն երբեք չը թուլցաւ ու չը վհատեցաւ. ընդհակառակն, աւելի՛ ուժով մը փարեցաւ իր ազգային գերին, գիտնալով հանդերձ թէ՛ իր յեղափոխական արարքներուն ամենափոքրիկ մասնութիւնը պիտի զինք անմիջապէս կախաղանի դատապարտէր:

— «Եթէ հիմայ ես ձերբակալուիմ, մահուան դատապարտուիլս անխուսափելի է», որ մը առանձնութեան բողբոջի մը մէջ խոստովանեցաւ. ուզեց դարձեալ շարունակել սարսափի ու անյուսութեան այս օրերուն մէջ իր հպարտ ու յանդուգն քաղաքական

խաղը: Այս մասին գաղափար մը պիտի շինուի, եթէ կարգանք այն բուռն յայտարարութիւնը, զոր ուղղեց ֆրանսական դեսպան Մ. Բ. Գամպօնի, 1896 Սեպտ. 7ին: — եղերական գէպքէն տասը օր ետք — Հոն պիտի գտնենք պետական մարդու ձիրքեր Տիգրան Երկաթին, որուն առնացի կորովի շեշտերով, խանդակաթ ու աւիւնոտ լեզուն՝ մեզի պիտի մատնանիչ ընէ աստիճանը մեր արդի մեծ Հերոսին յեղափոխական զգացումներուն:

է.

ՅԱՅՏԱՐԱՐՈՒԹԻՒՆԵՐ

Անա՛ Տիգրան Երկաթի Յայտարարութիւնը, Կ. Պոլսոյ ֆրանսական դեսպան Մ. Բ. Գամպօնի յանձնըւած՝ մայրաքաղաքին ջարդերէն ետքը:

«Յոյցէ մը ետք, որուն նպատակն էր յիշեցնել Տէրութեանց ու անոնց գործադրել տալ Յուշագրին (Մայիսինը) պարունակած բարենորոգումները, հազարաւոր Հայեր քառասունութը ժամ խողխողուեցան ու կողոպտուեցան: Այս վրիժառութիւններով չը շատացած, Պալատը բանտարկումի ու աքսորի ձեւին տակ, մինչև ներկայ ժամը, կը յարատեւէ բռնաջնջումի իր սիստեմին մէջ: Մայրաքաղաքն ու արուարձանները, մէն մի տուն կը խուզարկուի, մէն մի փողոց լրտեսներ կեցած կը հսկեն: Ընտանիքի հայր չըլլալու միակ մեղադրութեամբ, ամէն տարիքի հայերը կը ձերբակալեն, բանտ կը տանին, կը կողոպտեն ու անձանօթ տեղեր նաև կը դնեն:

«Անգամ մըն ալ Տէրութեանց ներկայացուցիչները ձեռընտու կ'ըլլան Պալատին: Հայերը մահէ ազատելու պատրուակին տակ անոնց Կ. Պոլսէն արտաքսումին կը սատարեն:

«Բացէ ի բաց կ'ըսեն մեզի, կ'ըմացնեն մեզի

թէ՛ իրենց կառավարութիւնները վճռած են մեր պահանջումները զոհել ևրոպական խաղաղութեան հարցին: Բայց ի՞նչ կ'ուզեն Հայերը, Կ'ուզեն որ իրազործունին բարենորոգումներ, որոնք Տէրութիւնները բանաձեւելով ու Սուլթանին ալ ստորագրել տալով՝ նուիրական պարտաւորութիւն ստանձնած են զանոնք գործադրելու: Միաբան ու ազդուօրէն գործելով, Տէրութիւնները լիովին կը հնազանդեցընեն Պալատը: Անջատուած՝ շահի վէճերով, որոնց՝ աշխարհիս մէջ ոչի՛նչ իրենց՝ իրաւունք կու տայ ստորագասելու մեր գոյութեան հարցը, իբր անհատ ու իբր ազգային խաղալիքները կ'ըլլան հրոսախմբի մը, աւազակներու ու մարդասպաններու, որ, Երևալը մէջ, իրեն նպատակ ըրած է բնաջինջ ընել հայ ազգաբնակչութիւնը:

«Երկրագործ, բանւոր, արհեստաւոր, վաճառական, բժիշկ, փաստաբան, մտածումի մարդեր ու գործի. աղք՝ մէկ բառով, ձայն կը բարձրացնենք (վախցէ՛ք որ մեր ձայնը շուտով արձագանգ մը չը գտնէ Ձեր բուն երկրին աշխատաւոր դասակարգեալուն մէջ) և անհաւասար կռիւին մէջ զոր կը մղենք մեր կեղեքիչներուն դէմ, կը հրաւիրենք Ձեզ քաղաքակրթութեան գործիչներուն կողմը բռնել, ընդդէմ անոնց որոնք դուք տեսաք վիլայէթներուն մէջ և մինչև իսկ մայրաքաղաքը, զօրքեր, քուրմեր, պալատի լրտեսներ ու դատարկապորտներ համախըմբըւած, իրենց աստուծուն քրիստոնեայ արիւն ընծայելու համար, ու մէկ գիշերուան մէջ քանդելու դարաւոր վաստակներու գնովը դիզուած դրամագրուիներուն գո՛րծը...»

«Հայկական Դատին յաջողութեանը հետ կապուած են ո՛չ միայն պատիւը, այլ և ապահովութիւնն ու բարգաւաճումն Եւրոպային: Մեզմով պիտի բացուին իր առևտուրին, իր ձեռարուեստին, իր գաղափարներուն, այն ճամբաները, այն դաշտերն ու այն

հովիտները որոնք բարբարոսներն ամայացուցին:

« Հոս ազաչանք մը չէ՛ որ կ'ընենք: Ձեր աչքին տակ դնելով Կ. Պոլսոյ մէջ Հայերուն հալածանքը, վերջին անգամ մը կու գանք Ձեզի յիշեցնել քրիստոնէից պաշտպանի ձեր պարտականութիւնները:

« Չպիտի թողունք երթանք քաղաքէ մը, ուր քսան անգամ մեր նախնիքը գրաւեցին բիւզանդական դահը. քաղաք մը, որ մեզի կը պատկանի, Յոյներուն հետ միասին, որովհետեւ մեր գործունէութեան կը պարտի իր հարստութիւնը:

« Ներկայացուցի՛չ Ֆրանսական Հանրապետուութեան, Դուք պէտք է որ ամենակարճ միջոցի մէջ դադարեցնել տաք հայերուն խմբովին բանտարկութիւնն ու աքսորը:

« Նոր գործողութիւն մը պատրաստ է, որով պիտի յայտնուի մեր Ազգին կենսաւորութիւնը: Եթէ ներկայ զեկոյցին վրայ, ձեր կողմէն ո՛ր և է ազգու միջոց մը ձեռք չառնուի, պիտի տեսնէք մեզ անգամ մըն ալ մահը միջամուխ ընել կուուն մէջ:

« Համոզուած ըլլալով թէ՛ մեր դատը ճիշդ է, մեր պահանջումները չափաւոր են և թէ՛ Չարը, փրբկութեան ուրիշ միջոց չըլլալով, պիտի մեզի տայ դրական արգիւնքներ, մենք մեզ պիտի քաշենք ձրգենք հասարակաց աղէտքի մը մէջ, թէ՛ մեզ ու թէ՛ զմեզ շրջապատողները, քաշելով բերելով զձեզ դարուն դատարանը, պատասխանելու համար այն արհաւիրքներուն որ պիտի յաջորդեն այս երբորդ ու ո՛չ վերջին բուռն փորձին, զոր ձեր ապիկարութիւնն և ուղղամտութեան պակասը կը հարկադրեն մեզ, չը խնայելու Արեւելքի Մայրաքաղաքին »:

Կ. ՊՈԼԻՍ, 7 ՍԵՊՏ. 1896 ՅԱՅ ԱԶԳԸ

Միևնոյն ժամանակ Տիգրան Երկաթ փութացած էր համրաստ զեկոյցներ զրկել նաև Կ. Պոլսոյ միւս մեծ Տէրութեանց ղեսպաններուն:

Ը.

Երլարզին ու Երոպային դէմ. — Երկաթ Պատրիարքին հետ. — Լրտեսը. — Հսկայ ծրագիրը. — Փախուստը. — Հայրենիքի Առաքեալը. — Մայր ու Որդի. — Հերոսին Հոգեբանութիւնը. — Յունաստանի մէջ:

Ընդհանուր Սարսափին մէջ, — այնինչ Պալատը դեռ գաղտնաբար կը հալածէր Մայրաքաղաքին ջարդերէն ճողոպրած հայերը — Տիգրան Երկաթ տիրապետելով աղէտքը, նորէն սկսաւ գործի ու իր ազգը մղելով դէպ ի մաքառում ու ընդվզում, վտանգել փորձեց մարդասպան Սուլթանին գահն ու Երոպական խաղաղութիւնը: Ինչպէս որ Ապտիւլ Համիտ պահ մը սոսկաց Դաշնակցականներուն գաւազրութեան հանդէպ, նոյնպէս գահլիճները սարսեցան եւրիտասարդ հայ պետին գրչի հարուածներուն ուժգնութենէն, ու Հայաստանը կարծեցին տեսնել զէնի ձեռին մեռնիլ, վճռած ուղելով իր Մեծ Տառապանքին վրէժը լուծել գերագոյն Յուսահատութեան թափով մը:

Յեղափոխական խումբերն առճասարակ կը յարգէին Երկաթը, որ Գում Գաբուի Պատրիարքարանը կ'երկննար յաճախ և գաղտնի կը տեսակցէր Երկաթէ Պատրիարքին (Մատթէոս Արքեպ. Իզմիրլեան) հետ: Այսպէս մեր ազգային բարձրագոյն իշխանութիւնն ալ կը նուիրագործէր անոր քաղաքական դերն ու մաքառումի ճիգերը:

Կենս. Տիգ. Երկաթ 4

Անկարելի է չը կարծել թէ՛ դէպքերէն ետքը՝
 Կ. Պոլսոյ մէջ գումարուած Դեսպանախորհուրդին
 մէջ, Տէրութեանց Ներկայացուցիչներուն Հայերուս
 ի նպաստ տուած որոշումներուն մէջ յայտնի եղաւ
 անոր արդիւնքը: Սակայն Տիգրան լաւ գիտէր թէ՛
 արիւնը կ'ուզէր արիւն և թէ՛ այնուհետև բարբա-
 րոսներուն հետ ամէն հաշտութիւն հրէշային բան
 մըն էր: Ընդվզումի փոթորիկը կ'որոտար անոր ներ-
 սիդին, ամէն անգամ որ ներկայ կ'ըլլար հայրենա-
 սէրի մը Քարաքէօյի կամուրջին գլուխը կախուե-
 լուն: Նուիրական Մեծ Կռիւը կը տենչար տենդոտ
 սպասումով մը: Մայր-Հայրենիքին Փրկութեան կը-
 ռիւը: Ու այս Կռիւը չէ՞ր դառնար անհրաժեշտ, ու
 չէ՞ր ցցուեր թուրքերուն եղեռնագործ խժգժանքնե-
 րուն հանդէպ: Անհամբեր հատնումով կը ցանկար
 տեսնել Զեթունը զայրագնոտ նորէն քայքայելով
 Սուլթանին բանակները, վրէժը լուծելու համար
 հայ արիւնին որ կը հոսէր դեռ Օսմանեան Կայսրու-
 թեան բովանդակ տարածութեանը վրայ: Սակայն,
 Կիլիկիոյ քաջարի լեռնականները — որ Բարձր Հա-
 յաստանի Զարդերուն առաջին լուրին ապստամբե-
 լով՝ Էտհէմ բաշայի 80,000 զօրքէ բազկացեալ կայ-
 սերական գունդերը յաղթահարած էին ու ցրուած —
 հանդարտած էին իրենց ի նպաստ Տէրութեանց Ներ-
 կայացուցիչներուն ազդու միջամտութեանը վրայ,
 որուն մէջ Քրանսական դեսպան Պ. Բ. Գամպօն հը-
 ղօրագոյն պաշտպանն եղաւ Զեթունցիներուն՝ որոնք
 ծայրագոյն թշուառութեան մատնուած, հակառակ
 նմանը չը լսուած իրենց հերոսութեան, ալ պար-
 տէին ճակատագրականօրէն ընկճիլ, չունենալով ո՛չ
 մթերք, ո՛չ պաշար. ախոս, նոյնիսկ հայերէն լըք-
 ւած թողուած իրենց սե՛ւ բախտին... Ճնշողական
 միջոցներուն սպառնալիքը դողացուց Ապտիւլ Հա-

միար: Յանկարծ Էտհէմ բաշան ետ քաշեց իր բա-
 նակն ու ահագին հրետանիները, որոնք պիտի գոր-
 ծածէր բնաջնջելու համար Զեթունի բնակչութիւնը:

Սակայն, Տիգրան Երկաթ, համոզուած էր թէ՛
 Կիլիկիոյ հրաբուխը պէտք չէր որ մարէր և թէ՛ այս
 հրաբուխին բռնկիլը սոսկ կրնար ահաբեկել թուր-
 քերն ու յաղթութիւնը տալ հայերուս: Ուստի, որո-
 շեց ձեռնարկել անմիջապէս, Եւրոպայի մէջ պայքարի
 մը, որ ի վերջոյ յանգէր Փոքր Հայաստանին ապըս-
 տամբութեանը: Ա՛լ կարելի չէր երկարել Կ. Պոլսոյ
 մէջ իր բնակչութիւնը, զի խիստ մօտէն կը հսկուէր:
 Նշան Սէֆէրեան, Բ. Դրան Գրաքննութեան Դիւա-
 նին պետը, ի՛նք կը կատարէր լրտեսութիւնը մեր
 մեծ դաւազիրին դէմ:

Թողուլ պէտք էր թուրքիան ու երթալ քարո-
 զել հայկական ապստամբութիւնը քաղաքակրթու-
 թեան բոլոր կեդրոններուն մէջ: Փախուստէն առաջ
 պատրաստեց իր քաղաքական ծրագիրը, որուն հոս
 կը դնենք մեծ գիծեր. —

Ա. — Աշխատիլ Աթէնքի մէջ վերահաստատե-
 լու համար վաղեմի կապերը, որով զօգուած էին
 Յոյներն ու Հայերը — հաւասարապէս հարստահար-
 ւած թրքական բարբարոսութենէն ու հաւասարա-
 պէս ենթարկուած համազլաւութեան ահռելի վտան-
 գին — որպէս զի երկու քոյր ազգերուն միջև այս
 համերաշխութենէն կարենայ վերածնիլ նախկին մե-
 ծութիւնը, ու նախնի պայծառութիւնը, որով Յու-
 նաստանն ու Հայաստանն եղան Արեւելքի Արփին:

Բ. — Վերարթնցնել Եւրոպայի մէջ հանրային
 կարծիքն ի նպաստ Հայերուն ու Կրետացիներուն,
 մասնաւորապէս Յրանսայի մէջ ոտք հանելով աշխա-
 տաւոր դասակարգերը, Ընկերվարական ու Ազատա-
 կան պետերու միջոցաւ, որոնք պիտի յուզէին խոր-

հըրդարանն ու շուարումի մէջ զնէին հանրապետական կառավարութիւնը:

Գ. — Զարնել Սուլթանին անբանային քաղաքականութիւնը, բարիզեան հզօր բերանի մը առաջնորդութեամբ. (իրեն այս պայքարին համար ընտրեց «Ռըվիւ տէ Ռըվիւ»ն, որուն մեծանուն տնօրէնը Պ. Ժան Ֆինօ յայտնուեցաւ թունդ հայրենասէր մը):

Դ. — Յոյց տալ Հայ Յեղափոխական Կուսակցութեանց՝ իրենց ուժը դէպի բանաւոր լուծում մը ուղղելու միջոցը,

Ե. — Ճամբորդութիւն մը ընել դէպի Հնդկաստան, բանախօսութիւններով սգեւորելու համար մեծահարուստ դասակարգը, որոնց միլիոնները պիտի բաւէին պատրաստելու Հայոց խմբովին ընդլզումը:

Զ. — Կիլիկիոյ մէջ գործողութիւն մը, զոր անձամբ պիտի վարէր միջադպային հոյակապ խաչակրութեան մը աջակցութեամբ ու պաշտպանութեամբը պետական մարդոց զոր ինք գաշնակից ըրած պիտի ըլլար Հայ Դատին:

Այս ընդարձակ ազգային ծրագրին ուժն ու գեղեցկութիւնը մեզի տրամագին խոկալ կու տան անմահ Գամառ Քաթրիպայի հետեւեալ տողերուն վրայ.

«Աստուած վկայ որ մենք կը յաղթէինք,

Թէ մէկ անձնուրաց մարդ ունենայինք...»

Հապշտապ պատրաստութիւններն ըրաւ երթալու Յունաստան, ուր պիտի կատարուէր իր առաքելութեան առաջին մասը:

Փախուստը տեղի ունեցաւ 1896ի ձմեռը, փախուստ մը որ շատ վտանգալից էր լրտեսներուն պատճառաւ, որոնցմէ շրջապատուած էր միշտ: Նախ իր ձեռագիրները զրկեց Ֆրանսա, այրելէ յետոյ մէկ մասը, որոնց մէջ կը գտնուէին դժբախտաբար, էրնեստ Ռընանէ նամակներ:

Անգլիական դեսպանատան քարտուղարին, — որ իրովսանն պաշտպանութիւն խոստացած էր — ընկերացած՝ նաւամատոյց իջաւ նետուելու համար Մէսսաթըրի Մարիթիմ ընկերութեան Միստ շոգենաւը, զոր մէկէ աւելի ստիկան դէտեր կը լրտեսէին, բայց յանկարծ ասոնց ու փախչիլ փորձող շատ մը հայ բեռնակիրներու միջև կռիւ մը ծագեցաւ: Այս միջագէպը թոյլ տուաւ մեր Փախստականին շուտով նետուելու կամրջակին վրայ իր հաւատարիմ բարեկամը միշտ ետին, իսկ Տիկին Պիլէզիքճի նաւամատոյց գացած էր ու անձուկով ակահատես կ'ըլլար իր ամենասիրեցեալ զաւկին փախուստին իրագործութեանց: Տիգրան երկաթ անհունապէս հրճուեցաւ երբ ինքզինք ազատ զգաց Ֆրանսական նաւին վրայ ու իր ցնձութենէն կը խնդար ու կը խնդար,

Հրատեչտի ողջոյնները տալու միջոցին իր ազնըւտիպլ ու սրտոտ մօրը — որ արդէն կը տառապէր իր միւս երկու որդիներուն յանկարծօրէն Եգիպտոս մեկնումէն — Տիգրանի վերջին խօսքերն եղան.


«ՏԻԳՐԱՆ ԵՐԿԱԹԻ ՄԱՅՐԸ ՊԻՏԻ ԸԼԼԱՍ ԴՈՒՆ»: Մինչև այն րոպէն Կարա կը յորջորջուէր իր մօրէն ու իրեններէն:

Այդ րոպէին լուսապայծառ դէմքը ունէր առաքեալի մը, որ իր առաքելութիւնը ի գործ զնելու համար ձամբայ կ'իյնայ. ու կը շողշողար այն աստիճան որ իր հէք մայրը շացաւ երեսէն և ստուգիւ հաւատաց որ այս մեկնումին մէջ բան մը կը պատրաստուէր արտասովոր, ծանրակշիռ և վսեմ բնոյթով իրողութիւն մը:

Այո՛ այս մեկնումը նշանաւոր դէպք մըն էր որ պիտի փառաւորէ մեր ժամանակակից պատմութիւնը: Ծաղրելով բարբարոսներուն բռնութիւնը, ծաղ-

վրայ և մեզի խոստովանած էր թէ՛ ձեր սերունդի նեցուկովը միայն պիտի կրնար գործադրել իր վըճռական ծրագիրները, վերականգնելու համար Հաստատանին անկախութիւնը: Օր մը նետուելով դուք այն փառքի ձամբան, զոր ինք մեզի գծեց իր մահով աւելի և անո՛վ միայն պիտի պատուած ըլլաք իր յիշատակը: Անի սիրելով կը սիրէր ձեզ, դուք ալ զանի սիրեցէք պաշտուած հոգիի մը պէս, Քրիստոսի պէս. թող երկաթի կեանքն ըլլայ ձեր սիրելագոյն մատեանը, իսկ մահը՝ մեր յիշողութեան մէջ սուրբ սուգին անմարելի կրակը, սրբազան հուրը հայրենիքի մոխրակոյտներուն տակ թաղուցուած...:

Սակայն «Սինտ» կտրեց անցաւ Մարմարան, յետոյ Տարտանէլի նեղուցէն դուրս նետուեցաւ Եգէականը, որուն ոսկի ու ծիրանի ծուփերը կը թու վէին Տիգրանի բանաստեղծական հոգին. Արշիպեղազոսին ալ տեսքը, իր հիանալի կղզիներովն ու կղզեակներովը, կը շլացնէր զանի ու կը կազմուէր: Հիմա Քրանսական գեղեցիկ նաւը սահելով Սալամինայի ծովախորշին վրայ, կը տեսնուէր Ելլադայի մոգական ծովափունքէն, ուր պիտի լսուէին առաջին պերճախօս շեշտերը մեր հելլենասէր մեծ հայրենասէրին, գնելու համար դաշնակցութեան մը հիւմերը, Յունաստանին միջև ու Հայաստանին:



ՎԵՐՋ Ա. ՄԱՍԻՆ

ՏԻԳՐԱՆ ԵՐԿԱԹ

(ԿԱՐԱՊԵՏ ՊԻԼԷՋԻՔՁԻ)

Մ Ա Ս Ն Ե Ր Կ Ր Ո Ր Դ

Ա.

«Սինտ»ը խարսխած էր Պիրէոնի առջև, երբ հայ յեղափոխական գօմիթէներուն պատգամաւորները զանի ողջունելու գացին շոգենաւ ու հրաւիրեցին որ քանի մը օր Աթէնք մնայ իրենց հիւր: Տիգրան երկաթ հաճոյքով ընդունեցաւ հրաւերնին: Նոյն օրը յոյն մամուլը, ծանոյց անոր մայրաքաղաքը ժամանումը՝ Յունաստանին վրայ անոր թանկագին հրատարակութիւնները պատմելով, դրուատեց անոր գլխաւոր գերընտիր յատկութիւնները, պատուեց զարագէտի գերընտիր յատկութիւնները, պատուեց զանի իբրև մեծ պետ մը, նկատելով զանի գլխաւոր ազգակը՝ կազմուելու վրայ եղող հայ ապստամբական շարժումին: Աթենացիք անոր մէջ գտան մաքուր հելլենասէր մը, որուն տաղանդը, ճաշակը, շնորհն ու իմացականութիւնը զիրենք կը գգուէին: Առաջին վայրկեանէն իսկ ընծայեցին անոր ճշմարիտ պաշտամունք մը, որ յաւիտենապէս պիտի չի ջնջուէր: Գրական աշխարհին որեարը, որոնց մէջէն Գօսթի Բալամաս, Ժօրժ Սուրիս, Անաստաս Ժէնատիոս, Ժօրժ Աթրատիփիս, Լէն. կը սիրեն զանի ու կը մեծարեն իբրև անբաղդատելի բանաստեղծ մը ու հելլենապաշտ մը: Համակրանքի ու հիացման միւսնոյն վերաբերումը գտաւ արուեստագէտներուն նկարիչ-

ներուն, արձանագործներուն, դատաւորներուն ու բոլոր մեծանուն քաղաքական մարդերուն քով, որ պիտի բեն. - Սգուլիտիս, Մերգուերիս, (Աթէնքի քաղաքապետ 1902ին) Գալիսբերիս, Եաննի Լամպրիտիս և ուրիշներ: Ամենուրեք կը տօնուէր խանդավառ ու ամենասրտաշարժ ցոյցերով: Յոյներէն շռայլուած այս ջերմ ընդունելութիւնն ու յարուժի հաւաստիքները շատ կ'օգնէին անոր քաղաքական պաշտօնին, որ անհունապէս փափուկ էր ու դժուարին զոր յաջողցնելու համար կ'աշխատէր անխոնջ եռանդով մը:

Համաձայնեցաւ նախ Գօմիւնի Արխոնտներուն հետ ու անոնց առջև դրաւ իր ծրագրին գործնականութիւնը, որ կը կայանայ միացնելու մէջ Յունաստանի ու Հայաստանի ուժերը թուրք բարբարոսութեան դէմ, - որուն հաւասարապէս լուծը կը կրէին իրենք, - Արեւելքի մէջ վերստանալու համար իրենց երբեմնի ազատութիւնն ու տէրութիւնը: Եւ յետոյ, ուզելով իր գաղափարները ժողովրդականացնել Աթէնքի մէջ, թողլով տեւական յիշատակ մը, որոշեց ընդվզումի մղել Յոյները, սրտաթունդ հրաւէր մը ուղղելով անոնց, որպէս զի հրապարակային արարքով մը ձուլէ երկու վաղեմի քոյր ազգերուն միջև խնամութեան մը վերածնութիւնը:

Այս պատմական դէպքը Յունաստանի մայրաքաղաքը կատարուեցաւ 1896 Հոկտ. 7ին, Պառնասի Գրական Կաճառին (Սիլօղոս) մէջ, որուն նախազահը բեմին բարձրէն ժողովրդին ներկայացուց անուանի բանախօսը, կրակոտ ճառ մը արտասանելով: Սրահը լեցուն էր ու շողշողուն: Մամուլը բովանդակ, Դատական Մարմինը, Կաճառը, Գիտական, մինիստրական, ֆինանսական, բարձր առևտուրի անձնաւորութիւններ, նոյնպէս շատ մը կիւներ, իրենց ուսուցիչներուն ընկերացած ուսանող-

ներ ու Հայեր ալ վազած էին հոն: Երիտասարդ ատենաբանը, բանախօսութեան սկիզբէն արդէն յանկուցած էր ունկնդիրներուն վստահութիւնը, որոնք տակաւ կ'սքանչանային լսելով անոր խօսիլը, խորխտ ձայնով մը, որ կ'արտայայտէր զանի կենսաւորող կորովը ու անոր ազնուական ու հպարտ կերպերը, մանաւանդ զօրեղ ցոլքը խօսքին, - որ իսկոյն կը լուսաւորէր երկու ազգերուն պատմութեան փառաւորագոյն ու ամենայնուզի փուլերը - կը բազմապատկէր ընդհանուր խանդավառութիւնը: Արդարև, Տիգրան Երկաթին սաւառնոտ խօսքերը, զոր իր սեփական հանձարը տուն կուտար իրեն, իր ա'յնքան հարուստ, նկարուն ու միանգամայն խիստ պարզ ոճը, բոցուտ ու համեղ արտայայտութիւնը, որով կը կարենար ինք արագօրէն գծել Յունաստանին ու Հայաստանին անցեալը, ներկան ու ապագան, հելլեններուն վրայ գործեցին մոգական ազդեցութիւն մը, կ'հեղեկորացնէ ազգերն ու զանոնք կը մղէ իրենց գոյութեան մեծ թափի մը:

Տարփողեցին այս ատենաբանը, որուն հրեշտակային կերպարանը խոկալ կու տար Ոսկեգարբ. բեւելով անոնց կազդուրիչ շունչ մը գեղեցկութիւններէն, մեծութիւններէն ու դիւցազնութիւններէն հին դարերուն ու մատնանիշ ընելով թէ՛ երջանկու թեան, բարգաւաճման ու մտաւորականութեան այն դարերը՝ երկու ցեղերուն անջատման հետեւանքովը մարած՝ պիտի վերածնին 50 տարուան մէջ:

«Ա.Ն.Ա.ՀԻՏ» տուած է արդէն այս բանախօսութեան ընտիր թարգմանութիւնը՝ Տիգրան Երկաթի մահուան վաղորդայնը: Մեր խորունկ ուսումնասիրութիւնները կենսագրութեան վերլուծական մասին վերապահելով հանդերձ, խոստովանինք հոս թէ՛ այս գեղեցիկ գործին, ինչպէս նաև իր բոլոր գըր-

ւածներուն մէջ, Տիգրան Երկաթ կը յայտնուի կարգով, բանահիւս, խորհող, հոգեբան, իմաստասէր, աստուածաբան, մեզի կը պարզէ ընկերաբանական, ցեղագրական, աշխարհագրական ու արուեստագիտական զարմանալի հմտութիւններ: Ասով իսկ — հաստատենք համարձակօրէն — կը գլէ մեր մեծանուն մարդերուն շատերը. որոնց փառքը կ'ամփոփուի զիրենք փայլեցնող տաղանդի լոկ մէկ ձեւի մէջ: Աւելին կայ. իր տաղանդը կը հոսէր իր ազբերէն ու եթէ նկատի առնենք իր մատաղ տարիքը, այնքան տխրած մարմնի մը մէջ այնքան հսկայ հանճարի յը գիմաց կը մնանք ապշած:

Մտքով փոխադրուինք պահ մը հելլենական այն հոյակապ համախմբումին ծոցը, այն անմոռանալի օրը, ու պիտի թուի մեզի թէ՛ Հայաստանը վեր կանգնած իր աւերակներուն մէջէն՝ ունէր արդէն Տէր մը, որ դաշնակցութիւններ կը նիւթէր, քաղաքական յատակագծեր կը բազմադրէր, աշխարհագրութիւնը կը գծէր, յաղթանակներ կը պատրաստէր, կը խորհէր վերաշինել քանդուած ոստաններ: Ու այս Տէ՛րը, — որ չունէր ո՛չ թագ, ո՛չ արքունիք, ո՛չ պալատ, ո՛չ բանակ, ո՛չ հասոյթ, և որ քաղցին հետ յաճախ կ'ոգորէր, — Տիգրան Երկաթն էր, որուն ըզեղային կարողութեանը մէջ էր միակ վարկը: Ու կը թուի մեզի թէ հելլենները՝ ծափերով ծածկելով ազնիւ բանախօսը՝ կ'ընդունէին դաշնակցութիւնը զոր անի կ'առաջարկէր իրենց, զի յատակօրէն կը տեսնէին անոր օգտաւէտութիւնը. այսպէս, իրենք նորէն պիտի գտնէին իրենց նախկին սահմանազրու լուխները, պիտի նորէն ախրանային Բիւզանդիոնի, պիտի ետ, հեռո՛ւն քշէին բարբարոսները, պիտի ուրիշ թշնամիներու դէմ մարտնչէին զինակցու թեամբ Հայերուն, որոնք ալ իրենց ասիական պե-

տութիւնը պիտի վերականգնէին Յոյներուն աջակցութեամբը:

Ճառին մէջ տեղ մը, Տիգրան Երկաթ արձակեց այս աղաղակը. — «Թուրքերուն դէմ մեր՝ Յոյներուն ու Հայերուն՝ պարտականութիւնն է զէնք առնել ու վար չը գնել մինչև որ ազատագրած չըլլանք մեր բոլոր եղբայրները»: Այս կերպով Յոյներուն յիշեցնելով բարբարոսներուն խժոժանքը, որ կը գործուէր Հայաստան ու Կրետէ, Հելլենականութեան ծոցը կը վառէր ատելութեան առաջին կայծը, որ շուտով պիտի բռնկեցընէր յունօթրքական պատերազմը, ուր պիտի ջանային հելլենական ուժերուն լծորդել հայկականները: Յետոյ պիտի տեսնենք թէ ի՛նչ ուրիշ միջոցներ կիրարկեց այս արտակարգ արդիւնքին յանդէլու:

Ահաւասիկ քանի մը հատուածներ, զորս կը քաղենք «Անահիտ»ի թարգմանութենէն:

« . . . Ձեր միտքը այնքան արագաշարժ է, որ քան ձեր մարմինը. հակամէտ էք մարդկային մտածման բոլոր խնդիրներն ուսումնասիրելու, բայց ամենէն աւելի յատակ գաղափարները կը սիրէք:

« . . . Արեւելքը՝ առանց ձեզի, թաղծագին պիտի ըլլար:

« . . . Այսպէս՝ կը ցանկաք ձեռնէ դուրս տարածել ինչ որ ձեզ ամէն բանէ աւելի կը խանդավառէ, ազատութիւնը: Մենք, Հայերս՝ ձեռնէ աւելի ճիշդ կը տրամաբանենք, բայց դանդաղ կը տրամաբանենք: Ինչ որ ալ ըլլայ, հեղ մը որ գործ մը որոշենք, զայն ի գլուխ կը հանենք կորովով մը, ուր մոլեգնութիւն կը խառնուի և որ վհատիլ չը գիտեր:

« . . . Դո՛ւք ալ մե՛նք ալ, հրաբխային հողի մը զաւակներն ենք: Բախտը մեր երկու ազգերուն խնայած է բռնապետներու կառավարութեան նպաստ-

տաւոր եզող ընդարձակ դաշտերու ձանձրոյթին մէջ մեծնալը:

« . . . Արարատի բարձրագիւր սարահարթէն մեծ գետեր կ'իջնեն, Տիգրիս, Եփրատ, Երասխ, Հալիս. այդ ճամբաները որոնցմէ յաճախ արշաւողը մեր երկիրը կը մտնէր, մեր հայրերը կը հրաւիրէին օտար երկիրներ երթալու, որպէս զի իրենց բերքերուն աւելորդը այնտեղ ծախեն: Երկու սաստիկ ձմեռներու մէջտեղ Հայաստանը կը ծաղկի ներուժ կորովով մը: Կարճատեւ բայց յորդառատ են իր գարուններն ու աշունները: Բոլոր զառիթափներուն վրայ ուր ձիւնը նոր է հալած, անհամար հօտերու կեանքի ճիւղ կը խառնուի անուշահոտութեանը ծաղիկներու զոր բուսարանն այլուր չի գտներ: Օդը կը թնդայ խխնջիւնովը ձիւն մը, որ ուրախ է գետնափոր ախոռէն դուրս ելլելուն՝ ուր ամբողջ ձմեռը փակուած մնաց: Հովը յամրօրէն կը պտըտոյնէ ժայռերուն մէջ բարձր պահած հովուի մը ձայնը կամ պարերդը գեղջիկու հիներուն, որոնք գետին եղերքը ճապուկ սաքով լուացքի լաթերը կը ծեծեն: Մեր հայրերը առատօրէն կը քաղէին պտուղները, կաթնեղէններ ու հօտերու բուրդը, Երկաթի հանքերը ճարտար դարբիններ կ'արտադրէին: Մեր հայրերը կարաւաններ կազմեցին: Տիկեր ուռեցուցին ու անոնց վրայ լաստեր դրին: Իրենց ցուրտ երկնքին տակ անաստի ուղտերն ընտելացուցին, զորոնք այս նոր կլիմային պատշաճեցնելու համակ բնութիւնն անոնց բրդոտ երկայն մազեր տուաւ, ինչ որ չունին Արաբիոյ ուղտերը:

« . . . Անկից ի վեր յունական գաղափարներու հոսանքը այլևս անդադար անցաւ ու դարձաւ մեր լեռներուն մէջ: Տիգրանի օրով, համաձայնութիւնը կատարեալ էր. Յունաստանի աստուածները,

արձանները, սփեւտները, դերասանները, հիւրընկալուեցան Տիգրանակերտ ու Արտաշատ: Աթէնք, Միհրդատ և Հայոց թագաւորը մեծ ճիգի մը մէջ միացան Հռովմի աշխարհակալութեանը դէմ: Յունաստան արդիւնքը կը քաղէր այն մտաւորական աղքատանութեան, զոր Ասիոյ մէջ տարածած էր: Անոնք, զոր կրթած էր իր զգացմանց ու մտածմանը համեմատ, հեղինականութեան ախոյեանները դարձան:

. . . Ընդհակառակն, մինչև այսօր մեր ցեղին ամենէն հին կարողութիւնները կը պահենք, ինչ ալ ըլլան մօտակայ պատահականութիւնները, մենք լրջօրէն վախնալու բնաւ տեղի չունինք այն ժողովուրդներէն, որոնք բանականեր ունին, բայց զուրկ են այն յատկութիւններէն որոնցմով մենք ժամանակն ու մարդիկը կ'արհամարհենք:

. . . Երկու ոգիները զիրար փոխադարձաբար կը զօրացնէին. մերը ձենէ փոխ կ'առնէր նրբացում մը, առանց որուն ծանրադանդաղ պիտի մնար. ձերը՝ մերինին շփումովը՝ նրբամոլութիւնները արհամարհող ու առնական կորով մը կը շահէր:

. . . Կրօնքի համանմանութիւնը, գեղարուեստական ճաշակներու համանմանութիւնը յառաջ բերաւ: Մեր եպիսկոպոսները Կ. Պոլսոյ և Փոքր Ասիոյ յունական դպրոցներու մէջ կը թուեցան. Աւետարանը թարգմանեցին յունական բնագիրներու վրայէն, նրբատոն ու Արիստոտէլ ուսումնասիրեցին: Մեր պարզ բերութիւնը իր ձեւին մէջ յունական դարձաւ առանց հայկական մտածումն ատով նեղելու:

. . . Միստիքականութիւնը որ մթին մտքերու մէջ և բռնապետական կառավարութեանց տակ կը զարգանայ, երբեք լուրջ ներգործութիւն մը չէ ու զարգանայ, երբեք լուրջ ներգործութիւն մը չէ ու նեցած մեր ուղեղներուն վրայ: Հայ դասականները ամէնքն ալ յունական դպրոցին մէջ կազմուած են,

և անոնց գլխաւորներուն՝ Եղիշէի, Փարպեցիի, Եզնիկի, Փաւստոսի քով կը գտնենք սա նախասիրող յատկութիւնները. ծանրախոհ վեհութիւն մը վայելչութեամբ խառն: Պէտք ունի՞մ ըսելու որ ճիշդ այդ տպաւորութիւնն է որ կը կրենք ի տես Ակրոբոլի մարմարներուն:

. . . Բիւզանդական որմնանկարներ մեր եկեղեցւոյն պատերը զարդարեցին, յունական մեղեդիներ սաղմոսերգուեցան. ուրիշներ աւելի թաւ, զոր մեր քահանաները շարագրած էին, Կ. Պոլսոյ մէջ սովորեցան: Այսպէս, կանուխէն Հայերը գնահատեցին բիւզանդական գմբեթին ամրապնդութիւնը, բայց զայն չընդունեցան իբրև գլխաւոր զարդ: Իրենց ճարտարապետութիւնը պահեց իր անկախութիւնը, որ իրեն իբրև յատկանշական մթիֆ ունէր սրածայր տանիքով բոլորչի կամ քառակուսի աշտարակ մը: Այդ անկիւնաւոր սրածայր կատարը, որ Արարատին գագաթը կը խորհրդապատկերէ, կը կրկնուի մեր վարդապետներուն սև մետաքսէ վեզարին ու մեր քահանաներուն թաղեայ փակեղին մէջ:

. . . Եթէ համայնազննին ակնարկ մը նետենք տասներորդ դարուն վրայ, կը տեսնենք որ Յոյներուն և Հայերուն սերտ գաշնակցութիւնը իրեն արգիւնք ունեցաւ անոր փայլ մը և զօրութիւն մը տալ զոր կորսնցուցած էր յորմէհետէ Արաբը Անատոլուի նահանգները, Եգէական ծովափունքն ու գրեթէ բոլոր կղզիները գրաւած, Կ. Պոլիսը երկու անգամ պաշարած և Սէլանիկն ու Կրետէն առած էր: Զուգայարգար յարձակման մը հետեւանքով, մահմետականները վանուեցան այն բոլոր դիրքերէն, ուր զօրք կը պահէին. Տաւրոսի վրայ ետ մղուեցան, Կիլիկիայէն դուրս հանուեցան, Հալէպը առնուեցաւ, Անտիոքը ազատուեցաւ, Սէլանիկը նորէն Յոյներուն

ձեռք անցաւ, վերջապէս՝ մեծ ճիգէ մը յետոյ՝ Կրետէն իրկուեցաւ: Միւսնոյն ատեն, Մակեդոնիան հելլէնական ազդեցութեան շրջանակին մէջ կը մտնէր: Պուլկարները, ետեւէ ետև մէկ քանի անգամ պարտուած, իրենց ցանկութիւնները կը սահմանափակէին՝ միայն Դանուբի հովիտը ձեռքերնին պահելու: Այսպէս, մեր երկու ազգութիւնները իրարու վրայ կը թնկնուի, կրօնքի, վաճառականութեան և պատեւրամներու խանդավառութեան մէջ միացած, անկորուստ պահեցին, փառաւոր գործակցումով մը, ժառանգութիւնը այն յատկութիւններուն որոնց այսօր աւանդապահներն ենք մենք:

Այս բանախօսութիւնը որ ուժգին ու խորունկ տպաւորութիւն մը թողուց Աթենացիներուն վրայ, մեզի վերլուծումը կը բերէ նմանօրինակ դէպքի մը, որ դարձեալ Յունաստան կատարուած էր, երբ Աթէնք տասնընչինգ դար առաջ, մեր Դաւիթ Իմաստասէրը յունարէն արտասանեց ԽՍԶԻ ՃԱՌԸ, որուն համար ԱՆՅԱՂԹ մակդիրը խլեց ժամանակին հելլէնացիներէն: Իսկ Տիգրան Երկաթ իր այս հռչակաւոր բանախօսութեան յաջորդ օրը կոչուեցաւ Պառնասի կաճառին Պատուակալ Անդամ: Մայրաքաղաքին բոլոր թերթերը արտագրեցին անոր ճառը, որ հիացման առարկայ եղաւ ամենուրեք, ցամաքին վրայ, Արշլպեղագոսի կղզիներուն մէջ ու արտասահմանը: Անկից ի վեր, մեծ ժողովրդականութիւն ստացաւ Յոյներուն մէջ, որոնք կը սիրէին զինքը իբրև գաղաներուն մէջ, որոնք կը սիրէին զինքը իբրև փարային էակ մը, և որոնք մինչև այսօր կը մեծաբեն անոր նուիրական յիշատակը՝ տեսակ մը խորհրդակրօն պաշտումով:

Աթէնքի Դպրութեանց ու Գիտութեանց մար-

գերուն — որոնք անոր գեղեցիկ տաղանդը նուիրաւ
 գործեցին — յարգանքէն զատ՝ Արխոնտներն իրենք
 ալ, անոր քաղաքական ընդարձակ հայեացքներուն
 վրայ հիացած, ընծայեցին ամենաբարձր պատիւ մը,
 բանալով անոր առջև իրենց ազգային մեծագոյն
 Գօմիթէին՝ Էթնիֆի ՀէթէրիԱ.ի գոներն ու զանի
 կարգելով իրենց ԳՈՐԾՕՆ ԱՆԴԱՄ մը: Ահա՛ այս
 եղաւ նշանը զաշինքին, զոր ինք կը բաղձար կընս
 քել Յունաստանին ու Հայաստանին միջև:

Այս եղաւ Ելլադայի մէջ պայքարին սկիզբը
 տարած մեծ յաղթութիւնը, պատերազմելով ԳՐՉՈՎՆ
 ՈՒ ԽՕՍՔՈՎԸ Հայկական Դատին համար, զոր կը
 պաշտպանէր գերբնական ոգորումով ու անձնուիւ
 բուժեամբ, իր բացարձակ զրկանքին մէջէն, որ աւ
 ւա՛ղ, ծոմապահութեան կը տանէր զինք: Սակայն
 ինք երբեք յայտնի չէր ըներ իր թշուառութիւնն,
 ու այնքան լաւ գիտէր բարձր ու հպարտ բռնել
 Հայաստանին ու ընտանիքին վարկը, որ ամէն տեղ
 թողած էր տպաւորութիւնը մեծափարթամ ազնուաւ
 կանի մը, որ անսպառելի հասոյթներ ունի ձեռքին
 մէջ, Հայերուն պաշտպանութիւնը կազմակերպելու
 համար:

Բ.

Պայքար Յունաց մէջ

Էթնիֆի ՀէթէրիԱ.ի կամ որ նոյն է Մակե
 դոնական Գօմիթէին մէջ Տիգրան Երկաթին ըն
 դունուիլը մեծ ուժ մը եղաւ, զոր անմիջապէս ծա
 ռայեցուց օգտին իր հայրենասիրական խորհուրդնե
 բուն, որոնց կարեւորագոյնն էր՝ համերաշխ գոր
 ծողութիւն մը բաղադրել Հայերուն ու Յոյներուն
 միջև Օսմանեան կայսրութեան դէմ: Հաստատապէս
 կը հաւատար թէ՛ երկու քոյր ազգերուն միացումը
 շատ բնական, ապագային մէջ պիտի ապահովէր
 Արեւելքի մէջ իրենց մեծութեան յարութիւնը: Սա
 կայն, աւելի լաւ էր որ, ի յայտ բերելու համար այս
 գեղեցիկ դաշնակցութեան — որուն առաջին ջատա
 գովումն ու հիանալի առաքեալն եղաւ ինք — ըն
 ծայած անվիճելի կարեւորութիւնն ու օգուտները,
 դիմենք ի՛ր իսկ սեփական պերճախօսութեանը, ար
 տագրելով Աթենացիներուն ուղղած իր ճառէն մէկ
 երկու հատուածներ ալ, որոնց մէջ խտացած կը
 գտնենք իր մեծ գաղափարը:

... «Բայց հայկական նաւահանգիստներուն մէջ.
 յունական ուժերը պիտի գտնեն առատ նիւթեր:
 — ինչպէս նախապատիւական ժամանակները, ձեր
 առաջաստանաւերուն թիւովն ու արագութեամբը
 դուք ծովը կը բռնէք, մենք՝ Առաջաւոր Ասիոյ գե
 տային մեծ ճամբաները: Մենք, Պարսկաստանէն
 մինչև Պոմպէյ, Մատրաս և Կալկաթա ձգուած Հնդ

կատանի բանուկ ճամբան ենք: Արեւելեան գանձերուն փոխարէն, զորս մինչև հոս բերելու համար, այսպէս ըսենք, ձեռքէ ձեռք կը նետենք, ձեզմէ պիտի ընդունինք ձեր նորակերտ ճարտարարուեստի արտադրութիւնները: Աթէնք պիտի գանք սովորելու արուեստը ճառերուն, նկարուած, քանդակուած, կառուցուած ձեւերուն, երգերուն հեշտոլոր դաշնակութիւնը, մարմինին յատուկ շարժումներուն թեթեւութիւնը: Մենք միշտ պիտի մնանք աւելի ծանրաշարժ ժողովուրդ մը: Կարծեմ թէ դուք աւելի արտայայտիչ կերպ մը ունիք մեզ որակելու համար: Ասիացի մը հոն տրոս կ'անուանէք: Աստի, աւելի խորունկ կերպով պիտի սովորինք շատ մը մասնաւոր գիտութիւններ, որոնց վրայ դուք պիտի գաք, թերևս, մեզի հետ մտածելու, խաղաղաւէտ ու խըստակեաց մենակեացի մը ծոցը:

Քիչ մըն ալ թեւակոխենք գէպի ապագան: Տեսնենք Յունաստանը մեծցած. ստացած ամէն ինչ որ կը կազմէ հելլենական հողը կղզիներուն մէջ ու ցամաքին վրայ: Աթէնքը իր աշխարհագրական դիրքովը գտնուելով հոն ուր կը խաչածեւեն ու կը վերջանան նաւարկութեան բոլոր գիծերը, որոնք զայն պիտի կապեն իր նոր երկիրներու ու արտասահմանին, Աթէնք պիտի մէկէն դառնայ մեծ շուկայ մը և, Արեւելքի գերազանցօրէն Ակադեմական քաղաքը, գեղեցիկ քաղաքը, հոն ուսում առնելու համար: Ինչո՞ւ յիսու՞ տարիէն չի կրնանք վերածընել, անկէ օգտուելու համար...:

Իրերու այս վիճակը պիտի չը կրնայ այսպէս հաստատուիլ ու տեւել եթէ ոչ օգնութեամբը դաշնակցութեանց, զորս հիմակուէն Յունաստանը պարտի հետապնդել. Արեւելքի կողմը, բարբարոսներու գէմ — լեռներու մէջ որոնք տեսան ծնիլը

Զմշկիկին — Հայաստանը անգամ մըն ալ ՊԻՏԻ ԸԼԼԱՅ ՀԵԼԼԵՆՍԿՍՆՈՒԹԵԱՆ ՊԱՏՈՒԱՐԸ:

... Ժ. Դարը զարմանալի կերպով զուգորդեց զանազան ուժերը: Մեզմէ կախում ունի զանոնք նորէն միայնել մեր երկու ազգերուն մեծ օգտին համար: Մեզմէ կախում ունի մանաւանդ ազգուօրէն տարածել մեր հայրենակիցներուն մէջ ու վեր բըռնել փոխադարձ ուժացումներէն, որոնք յաճախադէպ են ազգերուն, ինչպէս նաև անհատներուն կեանքին մէջ. վեր բռնել դձուճ շահերէն ու պատահահական միջազգէպերէն որոք կարճատես մարդերու աչքին խոշոր կը թուին — գաղափարը ՅՈՒՆԱՍՏԱՆԻՆ ՈՒ ՀԱՅԱՍՏԱՆԻՆ ԲՆԱԿԱՆ ԴԱՇՆԱԿՅՈՒԹԵԱՆ »:

Հելլենական գոմիթէին մէջ պաշտպանեց կուսակիցները Թուրքերուն դէմ պատերազմի մը, որ կարելի պիտի դարձնէր ազատուիլը Կրէտէին, Եպիւրոսին ու Մակեդոնիային: Միւս կողմէն, կռուին մէջ Հայերուն միջամտութիւնը պիտի անջատէր Սուլթանին բանակը, որ կարգով պիտի քալքայուէր Կրէտացի, Մակեդոնացի ու Զեթունցի ապստամբներէն: Հռչակաւոր Արմատողները նորէն պիտի երեւան գային Ելլադայի մէջ ու պիտի փառապանծօրէն կռուէին Անկախութեան հերոսներուն անմահական շունչովը: Պայթուցիկներն և ուրիշ շանթահական ռազմանաւեր նոր Գանարիսներու, Միաուհարիչ ռազմանաւեր նոր Գոնտուրիօտիսներու: Լիսներու, Գոմպաճիսներու, անգամ մըն ալ պիտի ելն. առաջնորդութեամբ, անգամ մըն ալ պիտի ակօսէին Միջերկրականը, խորտակելու համար բարբարոսներուն զանազաշարժ փոխադրանաւերը, ազատելու կղզիներն ու Արշրպեղազոսը, ուր դեռ կը ծածանի թուրք գրօշակը, սպառնալու Սելանիկի ծովախորշին, պաշտպանելու Կիլիկիոյ եզերքները, ծովախորշը զաշնակից Հայերուն որ զօրանան, ըս-

պառազինուէին ու ընդարձակեն իրենց Զեթունի աւ պըստամբաւկան գործողութիւնները: Այս վսեմ ճիւղերը չուտով պիտի յուզէին Եւրոպայի մէջ հեղինակ սէրներն ու արդար դատերուն բոլոր պաշտպանները, որոնք օտարազգի ուժեղ լէգէոն մը պիտի կազմէին, խոյանալու համար արի Գօմանտօներու հըրամաններու տակ, Յունաստանին ու Հայաստանին օգնութեան: Ու պատեհ վայրկեանին, հեղինական կանոնաւոր զօրքերը, պիտի տային վճռական մեծ հարուածը:

«Էթնիքի Հէթէրիա»ի անդամները կը մշակէին այս ծրագիրները, զորս Տիգրան Երկաթ կը պաշտպանէր իր տաք ու հմտալից ջատագովականներով: Իր դատողութիւնը կը յարգուէր ու ինք մեծ կշիռ ունէր պետերուն մտքին վրայ:

Այս կերպով Հայաստանի պաշտպանութիւնը կարգադրելով ու զայն գնելով ընդարձակ լուրջ ու մաթեմատիքական գործողութեան մը հողին վրայ, ուղեց համաձայնիլ մեր յեղափոխական դատակարգութուն հետ ու այս մասին անոնց առջև դրաւ իր ազգային ծրագիրը, որ անոնց մէջ մեծ զղրղում մը առաջ բերաւ և որուն գործադրութիւնը — ըստ իր բուն բացատրութեան — « Գործերուն պիտի տուած ըլլար իրենց արամբանական լուծումը»: Այս ծրագրին մէջ Տիգրան Երկաթ Հայկական Հարցը, իր առաջին փուլէն, — որ սոսկական խնդրանք մըն էր բարենորոգումներու, — կը փոխադրէր երկրորդ փուլին մէջ. « ԱնկԱ.ԽՈՒԻԹԵԱՆ ՀԱՄԱՐ ԿՈՒԻԻԸ »:

Ուրիշ լեզուով, անի կ'ուզէր որ Հայերը, ա'լ չը հայցելով Տէրութեանց միջամտութիւնը, ա'լ թողլով իրենց խաղաղասիրական դիմումները Բ. Գրան՝ բարենորոգումներ ձեռք բերելու համար, ա'լ թողլով իրենց խիստ քիչ օգտակար ցոյցերը՝ Թուր-

քիոյ մայրաքաղաքին մէջ, — որոնք նոյն իսկ ազգին ալ աղիտաբեր են, ինչպէս փորձը հաստատեց, — վստահին իրենց սեփական միջոցներուն ու իրենց ուժերը կեդրոնացնեն Մայր Հայրենիքի նուիրական հողին վրայ, ուր պէտք է խիզախօրէն պարզեն Ա. ՊԸՍՍԱՄԲՈՒԹԵԱՆ գրոշակը, և մարդասպան կըռուներու մէջ նետուելով, փայլուն յաղթութիւններ տանելով՝ կամ հերոսական մահը մեռնելով, պիտի վեհօրէն արհամարհած ըլլան Եւրոպան ու Բարբառ րոսները ու հաստատած՝ ՆՈՐ ՀԱՅԱՍՏԱՆԻՆ ՀԻՄԸ:

Միւսնոյն շրջանին, թէ՛ իր գաղափարները տարածելու և թէ՛ շինելու համար ժողովուրդին բարու յականը, զոր անի թուլցած կ'զգար ջարդերէն ետքը, խմբագրեց յեղափոխական բուռն յայտարարութիւններ, որոնց մէկ քանինները երեցան Աթէնքի «Միութիւն» լրագրին մէջ:

Թէ Տիգրան Երկաթ՝ ի՞նչ քաղաքական լեզու կը գործածէր ժողովուրդին խանդը վառ պահելու համար. թարգմանենք այն հոչակաւոր յայտարարութեան քանի մը հատուածները ֆրանսերէն ընագրէն (Տե՛ս Փրանս. կենսագր. էջ 9):

« Գուժար մը ընենք բոլոր ճիգերուն զորս մինչև ցայսօր փորձեցին մեր զանազան գօմիթէները: Պիտի գտնենք ընդհանուր աբզիւնք մը, որուն համար համարձակ պիտի կրնանք ըսել թէ՛ Հայաստանի համար յաղթութիւն մըն է: »

« Արդարև, բիրտ ուժով, Թուրքը իրմէ վեր էր իր ուժով, դրամը միասին, կրնար մեզ ջախջախել իր ուզած կերպով: Զանի պարտաւորեցինք մերկանալ Եւրոպային՝ իսկական կացութիւնը որ սնանկի մը կացութիւնն է, այնպէս որ՝ ա'լ չի կրնար կառավարել Արեւելքը: »

« Յետոյ, գործով արթնցուցինք անկախութեան

զգացումը բոլոր քրիստոնեաներուն, մինչև իսկ իս-
լամ ցեղախմբերուն մէջ, այնպէս որ Թուրքը, հիմակ
ամէն կողմէ պաշարուած է իրեն սպառնացող թըշ-
նամիներէ:

« Ամէնն այս չէ': Հայկական դատը դուրս ե-
լած իր արեւելեան շրջանակէն, կը դրուի իբրև
խնդիր Եւրոպային ու Ամերիկային առջև: Ահա՛ ա-
րիւնոտ ու ողջ Հայաստանը վեր կը ցցուի ցամաք-
ներէն հրաւիրելու համար ազգերը որ շարուն աշ-
խատանքի արտադրիչներուն կամ աւերիչներուն
կողմը: Աշխարհի պատմութեան ամենալուրջ էջե-
րէն մէկն է որ պիտի գրուի մեր արիւնով: Հիմակ
ւրնէ հպարտօրէն կրնանք հաստատել թէ՛ Հայաս-
տանը, լայնալայն չափի մը մէջ, պիտի նախագահէ
ի. դարուն քաղաքական և բարոյական բազմերուն:

« Հայկական ողբերգութիւնը բնաւ չէ՛ վերջա-
ցեր: Լոկ առաջին արարը խաղացինք, կը մնայ մեզի
խաղալ երկրորդը, որ է նետուիլ մեր հայրենիքն ու
ձեռքերնիս զէնքեր՝ տիրանալ անոր:

« Մի՛ ըսէք մեզի թէ՛ չափէն աւելի կորուստներ
տուինք: Իրաւ այնչափ տգէ՞տ էք որ հաւատաք թէ
մեր անկախութիւնը պիտի իրագործուի Ֆէրման-
ներու և բանակցութեանց խաղաղասիրական ճամ-
բովը...: Արիւնի ալիքներու և կրակի հարուած-
ներու մէջէն մէկ, երկու, երեք յաղթութիւններէ
ետքն է որ հարիւր տարիէ ի վեր կազմուեցան Միա-
ցեալ Նահանգներուն Ամերիկան, Հարաւային Ամե-
րիկային տասնևհինգ հանրապետութիւնները: Յու-
նաստանը, Ռումանիան, Սերպիան, Իտալիան,
Պուլկարիան:

Եւ սակայն, ունի՞նք իրական կորուստներ:
Երբ որ ոչինչ կը կորսուի անկենդան բնութեան
մէջ. կրնա՞նք մտածել թէ հարիւր յիսուն հազար

Հայերու արիւնին չափ կարեւոր դատ մը պարապը
գացած ըլլայ: Չէ՞ք զգար, այս արիւնը կ'ապրի,
մեր երակներուն մէջ անցած է, մեր բազուկներն
ուռեցուցած է, մեր ըզեզներուն մէջ բերած գրած է
առնացի մտածումներու կորովը, մեզ նոր մարդեր
մկրտած է:

Գիտնանք տեսնել մէն մի առերեւոյթ չարիքի
տակ պահուած բարիքը: Մեր անհատական տառա-
պանքները՝ չարիք մը չեն ազդին համար, ընդհա-
կառակն, կ'օգտուի անկէ:

« Հողին տակ պառկած արիւնոտ մարմիններէն
ամէն մէկը քարի հատոր մըն է որ Հայաստանին
հիմքը կը կազմէ: Միշտ այս կերպով ու ամէն տեղ
կը կանգնեն հայրենիքին պարիսպները »:

Ինչոր այս քաղաքական գործունէութեան մէջ
ըրջօրէն զբաղեցաւ նաև Յունաստանի հայ գաղթա-
կանութեան բախտովը. հելլենական կառավարու-
թեան դիմումներ ըրաւ. երկրին մէջ անոնց վերջ-
նական կամ առժամապէս հաստատուիլը կարգադ-
րելու համար: Յաճախ կ'այցելէր անոնց վրանները,
զանոնք կը քաջալերէր փրկարար խօսքեր կամ օգ-
տակար խրատներ ուղղելով անոնց: Ասոնք հլու
հնազանդներն էին անոր, շատ կը սիրէին զանի ու
կը յարգէին: Ինք ու իր բարեկամները յաջողեցան
այս թշուառներէն մեծ թիւ մը տեղաւորել Աթէնքի
ու նահանգին քանի մը գլխաւոր քաղաքներուն մէջ:

Լոնտոնի Գօմիթէն (Հնչակեան) այս գաղթա-
կանները կիպրոս փոխադրել տալու մասին՝ առա-
ջարկներ հաղորդած էր. Տիգրանի խիստ յաջող
թուեցաւ այս լուծումը:

« Այս կղզիին մէջ, կ'ըսէր, պայծառ օրին մէկը,
պիտի կրնան նշմարել Աւետեաց Երկրին եզերք-
ները... »:

Տիգրան Երկաթի գեղեցիկ գործունէութիւնը՝ Ատաղկէի արդի մայրաքաղաքին մէջ — զոր ինք այնքան հրապուրիչ կը գտնէր որքան Աթէնքը Պէրիկլէսի ու Դէմոսթենէսի օրով — կ'ընծայէր իրեն խիստ սփոփարար փոխարինումները: Հելլենաց իր հիանալի պայքարին առաջ բերած հետեւանքներէն՝ յատկօրէն կ'երեւէր թէ իր հայրենասիրական հսկայ ծրագիրները՝ բոլորովին նիւթական ու գիտական սկզբունքներու վրայ հիմնուած՝ որոնց գործադրութիւնը կը փորձէր — ո՛չ միայն արգիւնաբեր էին, այլ անվրիպօրէն հայկական դատը պիտի զրահապատէին, այնպէս որ բարբարոսները կամ գահլիճները պիտի հարկադրուէին զայն ձեռք առնելու կամ անոր վրայ կռուելու:

Այսպէս, յոյն մամուլը ջերմօրէն կ'ընդունէր, իր մեծագոյն օրաթերթերուն ձայնովը, Տիգրան Երկաթի առաջարկը,՝ Յունաստանին ու Հայաստանին միջև դաշնակցութեան, հրատարակելով այս մասին յօդուածներու շարք մը, որոնք ահագին յուսալից մը առաջ բերին բովանդակ ցամաքին վրայ:

Կարելի է գտնել այս յօդուածները Աթէնքի 1896ի օրաթերթերուն, մասնաւորապէս «ԱՍՏի»ին մէջ Ժօրթ Ստրադիփիսի ստորագրութեան տակ, ուրոնք կը նկարագրէին Անատոլիի բոլոր նահանգներուն մէջ ու նոյն իսկ Կ. Պոլիս գործուած ջարդերն ու թալանները: Այս ընթերցումը կը վերարծարձէր Յոյներուն դարաւոր սխալ թուրքերուն դէմ ու յիշելով իրենց բուն ժողովուրդին նահատակութիւնը մինչև անկախութեան փառաւոր պատերազմը — կը սկսէին վերզգալ յարձակումներու անգուսպ պէտքը, վրէժը հանելու համար թէ՛ Հայաստանի իրենց եղբայրներուն, և թէ՛ Կրետացիներուն, անգամ մըն ալ մարտնչելով քաղաքակրթութեան ու քրիստոնեայ

մարդկութեան յաղթանակին համար՝ ԽԱՉԻՆ աւնունովը:

Ապստամբութիւնը սակայն կը խմորէր ի Կրետէ ու Ազդային Միութիւնը (էթնիքի էթէրիա) ուր իր աթոռն ունէր, Տիգրան Երկաթ՝ հաւատքն ունէր այն հռչակաւոր Յեղափոխական Կղզիին մօտալուսաբունիւմին վրայ ապստամբեցնելու համար Մակեդոնիան, արշաւելու թուրք սահմանազուխներն ու հարկելու հելլեն կառավարութիւնը՝ պատերազմ յայտարարել Դրան դէմ: Ապահովապէս, Կրետացիներուն գերագոյն ճիգը պիտի հպարտութիւնն ու հայրենասիրութիւնը վառէր ամբողջ հելլենականութեան (Հելլենիզմ) որ արդէն գերագրգռուած էր, ա՛յնքան բարբարոսներու, որքան Տէրութեանց եւ զեռնագործ գիրքին դէմ, նկատմամբ խռովանքներու ու կոտորածին Հայաստանի, որ զինք պիտի վեհանձնօրէն զրդէր պաշտպանելու անհաւասար կռուի մը մէջ Արեւելքի բոլոր քրիստոնեաները, զոր Օսմանեան Կայսրութիւնը դեռ կը ճնշէ բիրտ ուժով, իր վճռական կործանումին նախընթաց օրը:

Դէպքերը, որոնք այդ կերպով կը թուէին ձեւ պել, պիտի նպաստէին ուրեմն քաղաքական ծրագրին մեր մեծ հայրենասէրին, որ զաղտնապէս կը հրճուէր խորհելով թէ՛ ինք մասամբ մը հասած էր իր ազդային նպատակին, երաշխաւորելով մահաւոր ազդային նպատակին, վաղեմի արի ու մերձ Հայաստանի՝ աջակցութիւնը վաղեմի արի ու մեծանուն դաշնակիցներու, որոնց վրայ կռիւնեցան մեր մեծագոր ինքնակալներ՝ Տրդատ ու Տիգրան: Իրեն համար խնդիր էր հիմայ երթալ Բարիզ, յուսելու Եւրոպան ի նպաստ Յոյներուն ու Հայերուն, հրատարակութիւններով ու զրգրեցնող բանախօսուածութիւններով, հաստատելու համար երկու սուրբ դատերուն օրինաւորութիւնը անոնց յաղթանակին հա-

մար ձեռք բերելու Արևմտեայց քով, եթէ ո՛չ նիւթական. գէթ բարոյական ուժ մը: Յետոյ, մեր յեղափոխականները համոզելու որ իրենք բացարձակ պէտք ունին իրենց բոլոր ճիգերն ուղղելու դէպի Մայր—Հայրենիքը, պայթեցնելու համար ապրատամբու թիւնը — մասնաւորապէս Կիլիկիա — որ միայն պիտի մեղի թոյլ տար բանաւոր ու օգտակար կերպով պաշտպանելու մեր արդար պահանջները: Կը մաղթէր որ այդ ապստամբութիւնը միևնոյն ատեն տեղի ունենայ յունօթրքական պատերազմին հետ, որ կը պատրաստուէր, որպէսզի Հայաստանն ըլլայ Հելլենս.Կ.Ա.Ն.ՈՒԹ.Յ.Ա.Ն ՊԱՏՈՒՍ.ՐԸ, ինչպէս որ ինք կանխաւ ըսած էր Աթենացիներուն — գրեթէ բախտաբար, իր արդէն սկսած բանակցութիւնները, այս մասին, մեր կուսակցութեանց քանի մը բարձր ներկայացուցիչներուն հետ, վիժեցին ի վերջոյ:

Տիգրան Երկաթ պահ մը յուսացած էր թէ՛ մեր կռուող դասակարգերուն քով պիտի նեցուկ գտնէր, բարձր հրամանատարութիւնը պիտի ունենար ու իրեն պիտի հաջթայթուէր հարկաւոր դրամը. այս աւմէնն անհրաժեշտ էր իրեն՝ կարենալ գործելու հաւմար մեծ սանդուխի մը վրայ, բարենորոգելու մեր կուսակցութիւններն ու ամբողջովին ձեւափոխելու մեր յեղափոխութեան գործողութեան կերպարանը, գրոջմելով հոն ամենի շարժում մը որ ետեւէն պիտի քաշէր բերէր բոլոր դասակարգերն ու բարձր կղեւրականութիւնը,

Մենք գիտենք թէ այս իշխանութեան կը ցանկար միակ օգտին համար իր հայրենակիցներուն, որոնց լաւ կը տեսնէր թէ բոլոր անկեղծ հայրենասիրութիւնը կը բախէր անյաղթելի արգելքներու կամ ի զուր կը ճզմուէր ամուլ ճիգի մը ներքեւ, որովհետեւ զօրեղ ու լուսամիտ վարիչ մը, առաջնորդ

մը կը պակսէր լոկ: Անի բացարձակ վստահութիւն մը ունէր ազդեցութեանը վրայ իր յղացումներուն, որոնք, բոլորը կը հանգչէին վաղեմի ու արդի ժամաանակներուն ամենաշինիչ, պատմական փորձերուն վրայ ու կ'զգար թէ ո՛չ ոք, այն ժամուն, պիտի չը կրնար զանոնք ի գործ դնել, կամ օգտուիլ: Ասկէ զատ տղայ հասակէն ի վեր իրեն տիրացող խորհրդաւոր ու գերմարդկային ուժ մը կը մղէր զինք հըսկելու իր Ազգին փրկութեան, նպաստաւորելով զանի հանճարի բոլոր բարիքներովը, զորս իր վեհագոյն բնութիւնը կը շնայլէր իրեն, զանի ազատելու հաւմար թշնամիներուն վայրենի նկարագրէն ու վերածընելու համար նոր կեանքով

Հայերուն քով իր անյաջողութենէն ետքը ի՞նչ ըրաւ:

Որոշեց դարձեալ հետապնդել իր հայրենասիրական գերին, շարունակելով թէկուզ ինք մինակ, իր ձեռնարկած պայքարն իր ծրագրին շուրջը, որ լեցուցած էր ու զարմացուցած ամբողջ աշխարհը: մնալ անձնուէր բարեկամ մը կուսակցութեանց, ու մօտէն հետեւիլ անոնց շարժումներուն (իր հաւատարմութիւնն անոնց նկատմամբ, կամ աւելի ճիշդը՝ Հայուն վարկը բարձր բռնելու իր յարատեւ հոգը, զանի մղեց իսկ ջատագովելու Դրօշակեաններուն որդեգրած ոճիրներու գրութիւնը, Բարիզեան մեծ օրաթերթի մը մէջ). Եւրոպայի մէջ շինել իրեն հըսօրաթերթի մը իբրև գրող, իբրև գիտուն ու չակաւոր անուն մը՝ իբրև գրող, իբրև գիտուն ու իբրև խոյցեանն իր դատին, ջանալ ամէնէն առաջ, իր հրատարակութեանց մէջ ամբացնելու Հայ Ազգին ընկերային, մտաւորական ու քաղաքական բարեշքը մը, արագ արագ պսակումին համար անոր բարձր ճակատագրին, վերջապէս իր համոզկեր ճառերով և յայտարարութիւններով վերարթնցնել մար

տային վաղեմի ու հպարտ զգացումը մեր ցեղին՝ դաս-
րերէ ի վեր բարբարոսներու լուծին տակը ջնջուած
կամ խաթարուած:

Երբ որ ժամանակը հասունցուցած ըլլայ բոլոր
այս առատ սերմերը, սքանչացած ու արբելիւ ժողո-
վուրդն պիտի ինքնին վազէր իր ետեւէն, բարգա-
ւաճման ճամբուն վրայ, պատուի դաշտը: Կը յու-
սար թէ իր տուած դասերը պիտի գործէին ամենա-
բարեբար ազգեցութիւնը՝ մտքին վրայ մեր ուսում-
նասէր Երիտասարդութեան՝ դեռ և բողոքական գրպ-
րոցներուն ու համալսարաններուն մէջ ապրող,
որ դրական վարդապետութիւններով արգի օգտա-
կար գաղափարներով ու առողջ սկզբունքներով,
պիտի ըմբռնէր իր պարտքերը դէպ ի Հայրենիք ու
եռանդով պիտի պատասխանէր Տիգրան Երկուր
« ՀԱՊՕ՝ Ն Ի ՉԷՆ » ին:

Միշտ մնալով վերանորոգչի իր գլխաւոր գերին
մէջ, զոր արդէն կը կատարէր արիւնոտ դէպքերէն
առաջ, անսփոփոխ պիտի պահէ իր մարտնչողի գերը
ու պիտի յագեցնէ Թուրքերուն դէմ իր ոխը, « Էթ-
նիքի Էթէրիա » ի գործիչներուն հետ ջանալով զբը-
գըռել յոյն ժողովուրդը, ու պիտի չընկրկի յանդըգ-
նօրէն շքեղ արհամարհանք մը նետելէ Մարդասպան
Սուլթանին հրոսակներուն ետեւէն, ինչպէս որ
ըրին մարական պատերազմներուն ժամանակ, ազա-
տութիւնն ու մտածումը պաշտպանելու համար բըռ-
նակալութեան ու բարբարոսութեան դէմ: միևնոյն
ատեն, Եւրոպայի մէջ պիտի փնտռէ ուրիշ նեցուկ-
ներ, պիտի վաստկի համակրութիւններու բարի
կամքը՝ Պետական մարդերուն, նախարարներուն
ու առակապետական ազգեցիկ անձնաւորութեանց:
Պիտի տիրանայ ամբողջներուն շնորհներուն ու Դաւ-
տին համար պիտի ընէ ամէն բան, որպէսզի կար-

րելի դարձնէ վճռական գործողութիւն մը,
այն օրն ուր ազգն ինքզինք զգալով արժանի ու
ատակ, պիտի ուզէ վրէժը լուծել երեք հարիւր հա-
զար մարտիրոսներուն: Ու այս աննախընթաց գոր-
ծունէութեան մէջ, իր երկաթի կորովի կամքովը,
այնպէս պիտի մնայ մինչև իր վերջին վայրկեաննե-
րը, շնորհիւ իր ազգային անըսպասելի գորովանքին:
Ս.նի պիտի չը հասնի իր մշտավառ նպատակին,
որ է վարել հրամանատարութիւնն ու պաշտպանու-
թիւնը Հայերուն՝ մեր հայրենի հողին քանի մը ա-
նառիկ գաւառներուն մէջ. բայց իր ջանքերը, զորս
իւր մահովը պսակեց, պիտի ծառայեն մեզ ազնուա-
ցընելու և մեզի ցոյց տալու թէ՛ միակ գաղտնիքը
Մեր ՄՕՏԱԼՈՒՏ ԱՆԿԱՆՈՒԹԵԱՆ, կը կայանայ
մե՞ ըրոյցական, մտաւորական, տնտեսական ու
քաղաքական շահերուն անվնաս պաշտպանութեանը
մէջ:

Աւարտելէ ետք իր գործերն ի Յունաստան,
ու խիստ դո՞ իր հոն կատարած գործողութեանց
ամբողջութենէն, կը պատրաստէ իր ի Ֆրանսա պայ-
քարն ու կը պատրաստուի մեկնիլ:

Բայց քիչ մըն ալ կանգ առնենք մեր հերոսին
հետ հեղինակական գերող հողին վրայ ուր ինք ալ կը
փափագէր անպայման երկարել իր բնակութիւնը, ու
մեռնիլ հոն իսկ, Փիթիասի հայրենիքին մէջ, որուն,
այս աստուածային արձանագործին գլուխ գործոց-
ներուն նշմարները կ'երթար անդադար գիտել Ա.կ-
րօբօլի թանգարանը. անի կ'ուզէր որ իր գերեզմանն
ունենար հայրենիքին մէջ Թրիպոլիտիան (Յունաս-
տանի բարենորոգիչներէն) որուն աճիւնները կը յար-
գէր պաշտումով, Աթէնքի գերեզմանատան մէջ:

« Ռըվիւ աէ Ռըվիւ » խօսելով Տիգրան Երկաթի
այս բնակութեան վրայ ի Յունաստան, քանի մը

նամակներ կ'արտագրէ անոր նամակներէն, զորս իր մօր ուղղած է:

Մենք այդ հատուածները նոյնութեամբ կը թարգմանենք ինչպէս նաև հետեւեալ տողերը, զորս յիշեալ Հանդէսը նուիրած անոր այդ նամակներուն առթիւ:

«Տիգրան Երկաթ՝ տպաւորութեան ամենաւ գոզար նրբութիւն մը ունէր: Անի կը սիրէր ամէն տեղէ զանոնք իր մօրը ձօնել. մենք հետեւեալ հատուածները կը զատենք Աթէնքէն իր մօրը գրուած նամակներէն»:

Ահաւասիկ թարգմանութիւնն այս թանկագին հատուածներուն:

«Հիւրանոցն եմ Պարթենոնի, մին քաղքին գեղեցկագոյններէն. լուսամուտներս կը բացուին Ակրօպօլի վրայ, գիւղերով ու աւերակներով ծածկուած դաշտին վրայ, ու ԳՕՆԳՕՐՏԻ մեծ հրապարակին վրայ: Համայն նոր է քաղքին մէջ. նոր թէ հին, կրկնումն է ամենագեղ բաներուն, զորս նախնիքը կառուցած են. ուրուանկար մը մարմարներու, կաւ մարներու, ակագեմիաներու, տիգաղէն Աթենասներու և Հերմեսներու: Իր ելեքտրական լոյսերուն տակ Աթէնք աւելի գեղեցիկ է, քան թէ ցերեկը. գեղեցիկ՝ շարժումով, երիտասարդութեամբ, շատ խօսութեամբ, լրագրավաճառներուն մոլեգին ազակներովը. որոնք, կը բարձրաձայնեն Հայկական Պէտլիքը. փողերը կը հնչեն, ելեքտրաշարժ, շոգեշարժ կառքերը կը խաչաձեւեն զիրար. անթիւ ըսպաները կը պտտոցնեն շողշողուն զարդեր ու կուճակներ, սրճարանները կ'երգեն, կ'աճեն օրքէստերներ կամ մասնատուի նի պարզ սօլօ մը: «Մինէրվա» ճաշեցի, որ Աթէնքի «Վուաղէն»ն է. (Բարիզի «Վուաղէն») ճաշարանին կ'ակնարկէ):

Պերճանք ու պարզութիւն... կը թողում քեզ երթալ այցելելու համար հայկական վրաններն ու տեսնելու յոյն լրագրագետներ: Մնաս բարո՛վ, սիրելի՛ մայրիկ...:

.....
.....

Ահաւասիկ նոյնպէս երկու հատուածներ Աթէնքի իր նամակներէն. —

... «Անուշիկ մայրիկս... թողի Գօնգորտի հրապարակին հիւրանոցս ու հաստատուեցայ անգլիական շքեղ օթեւանի մը մէջ որ շինուած է Թալաուրին ու Ֆրանսական դեսպանատան պարտէզներուն միջև: Պատշգամէս լուսածագին կը տարածուի լոկ ծաղիկ ծառ. երկրորդ տեսարանին կը տարածուի արքայական պալատը. երրորդին՝ քաղքին վերև կը բարձրանայ Ակրօպօլն ու Պարթենոնը, ինչպէս նաև կարիադիտէսները որ ջինջ ու վճիռ կը սլանալ Սալամինայի ծովախորշէն, Պելոպոնէսի լեռնան Սալամինայի ծովախորշէն ձեւացած կապոյտ ու սուները, հեռաւոր կղզիներէ ձեւացած կապոյտ ու սուները, կեղծ յատակի մը վրայ. ի՛նչ տօն, Շաքօպրիան խառնուածքով հողի մը համար: Առաւօտեան ժամը խօթ է և ինծի բերել կուզան թէյ մը, զոր քեզի հետ պիտի ուղէի բաժնել — թէյ մը, չեմ գիտեր քահանի յարակիցներով, զանազան բաժակներ կարգ, քաղցրաւենիք, իմէտայի մեղր. տղայութիւն ըրի մայրիկիս համար աթոռ մը քշելու առաջ:

... «Աւելորդ է յիշել թէ կ'ըզուշանամ զըզակու բոլոր այս քաղցրութիւններուն. անցած շաբթուան մէջ անհանգստութիւն մ'ունեցայ, որ

ՏԻԳՐԱՆ ԵՐԿԱԹ

կ'երթայ նաև Ելևսիս, ու Դափնի, Աթէնքի մօտ, ուր կան կարեւոր աւերակներ, որոնք զանի շատ կը շահագրգռեն: Միւս կողմէ, յաճախադէպ են իր այցերը՝ Թանգարաններուն, նկարիչներուն ու քանդակագործներուն աշխատանոցներուն, բիւզանդական մատուռներուն, համալսարանին, ակադեմիային. ազգային մատենադարանին, որոնք զինք հիմնովին կը ծանօթացնեն ժամանակակից Յունաստանին ու իրեն թոյլ կուտան զայն իր կարգին Եւրոպային յայտնել իր գրուածներով — այնքան հանաճարեղօրէն, — որ յանկարծ, իր անունը կ'ստանայ անվիճելի հեղինակութիւն մը, Բարիզի գիտնական մեծ աշխարհին մէջ:

Բայց անի աւելի ու աւելի քաշող տեղն է Շեւրամիկը, որ անոր կը ներշնչէ (իր ի Յունաստան երկրորդ վերադարձին, երբ Թրքօ-յունական պատերազմը պայթեցաւ 1897ին, իբրև թղթակից Փրանս սական Թերթի մը) իր ամենայարգիւսուսումնասիրութիւններէն մին՝ «Աթէնքի ԳերեջՄԱՆԱՏՈՒՆԸ», Բարիզ հրատարակուած 1898 Նոյեմբեր 16ին, Մեռելոց տօնին առիթովը: Այս ուսումնասիրութեան վրայ է որ ԺԱՆ ՖԻՆՑ կը հռչակէ Տիգրան Երկայթը «Ամենամեծ հայ կենդանի գրագէտը»:

Անոր սիրած ուրիշ տեղ մըն ալ Ակրօպօլն է, ուր անոր աչքին կ'երեւի Ատտիկէի վաղեմի մայրաքաղաքը, փաղփուռն ու փողփողուն իր աստուածներով, իր հերոսներով, իր արձանագործներով, իր խորհողներով ու իր յիշատակներով: Հին միջնաբերդին դագաթէն՝ հանդիսաւոր ու գրաւիչ տեսքը լեռներուն, բլուրներուն ու շրջապատող դաշտերուն, Ֆալէսի գեղեցկափայլ ծովափին պատկերն ու երկնային գմբեթին հրաշալի պայծառութիւնը, այնքան ուժգին կ'ազդեն որ կը թափանցէ գաղտնիքը

նախնիքներուն, որոնք ուղած են ընել այն մոգական գաւառը դից ու դիցուհիներուն արժանաւոր ապաստանարանը: Սալամինայի ծովախորշն ալ իր վրայ մեծ ձգողութիւն մը կը ներգործէ: Չը յոգնիր զայն գիտելէ, խորհելով անշուշտ, Աթենական Նաւատորմին գլուխն անցած Թէմիսթոկլէսին անուանի յաղթութիւններուն, Քսէրքսէսի պարսկական արշաւանքին ատեն ի Յունաստան:

Բայց, Ակրօպօլի անուանի աւերակներուն մէջ ջէն անցած ատեն, յանկարծ, կանգ կ'առնէ զմայլած. ապառաժին ստորտը, դեռ քիչ մ'առաջ նըշմարեց դիւթական բանօրամասն զոր կ'ընծայէ 1821ին վերաբրթնցած նոր Աթէնքը, երբ որ ա'լ վաճառուեցան բարբարոսները, անլուր ճիգերուն և զոհերուն գնովը, ո՛հ, ո՞րքան կը սիրէր գիտել հելլեններուն հպարտ, յաղթական, կեանքով, երանութեամբ ու հարստութեամբ յղփացած ու յորդուն այս գեղանի նոր քաղաքը, որ նորէն եղած է գրեթէ Արեւելքի Ակադեմիան, շնորհիւ արտադրութեան, գործունէութեան, իմացականութեան ու յոյն ցեղը բնորոշող համերաշխութեան, վահանձնութեան ու անձնուիրութեան ոգիին,

Այսպէս ուրեմն ցնորական չէ՛ հաւատալ ու ընդունիլ թէ մտածումը, բանավարութիւնն ու սուրբ քաջութիւնը գերակշիռ էր բիրտ ուժին, երբ կռուի բռնուին իրարու հետ:

Վերջին դարու արշալոյսին վերաշինուած Աթէնքն է ասոր ամենէն համոզիչ ու կենդանի վկան: Տիգրան Երկայթ այդ բանը կ'ըմբռնէր ու երեսը դարձնելով դէպ ի Պարթենոնի կանգուն մնացած չքնաղ սիւներն ու որմերու բեկորները, կը խորհէր աւերակներով, արիւնոտ աւերակներով ծածկըւած ամայացած Հայաստանին վրայ, կ'ուխտէր

իւրովի տալ իր կեանքը՝ փութացնելու համար յա-
րութիւնը, որ պիտի շուտով կատարուէր անշուշտ
Յունաստանի յարութեանը պէս, եթէ Հայերը հա-
մաձայնին պաշտպանել Մայր-Հայրենիքը, նման քոյր
ազգին արի ու խիզախ պաշտպաններուն, Այն ատեն
իրենք ալ պիտի կրնան վերաշինել ՍԻՍՈՒՍՆԵՐ:

Ու այս երազի լուսեղէն ալիքներուն մէջ լու-
ղալով, կը դիտէր հեռուն, Կիլիկիոյ ծիծաղկոտ ծո-
վափունքը, կը տեսնէր հոն խիտ անտառը նաեւ
բուն. շարժումը մեծ հրապարակներուն, ԱՅԱՍ ու
ՄԻՍԻՍ Ե կը վերականգնէին, ԱՆԱՐՁԱԲԱՍ ու ՍԻՍԵ
խնջոյքի ու խաղի մէջ, ամբողջ Կիլիկիան դրա՛խտ
մը, ուր կը ճեմէին Շնորհալիի ու Լամբրոնացիի վե-
հափառ ստուերները...

Սակայն, Տիգրան Երկաթ, կը պատրաստէ իր
պայքարն ի Ֆրանսա: Արդէն ստէպ կը թղթակցի
խիտ ազդեցիկ ընկերվարական երեսփոխաններու
հետ, որոնք իրեն կը խոստանան յարուցանել խոր-
հըրգարանը Հայկական Հարցին ի նպաստ:

Նոյն ատենները թախանցուեցաւ երթալ Լոն-
տոն, բայց ինք հասկցաւ բացարձակ անօգտակա-
րութիւնը հայրենասիրական պայքարի մը յ'Անգլիա,
ուր Կլաւքսթոնի քաղաքականութիւնն ու սկզբ-
բունքները մարած էին:

Պ. Ա. Չօպանեան, «ԱՆԱՀԻՏ»ի 1899 Նոյեմ. —
Դեկտ. միացեալ թիւին մէջ, հետեւեալը կը գրէ
Տիգրան Երկաթի մահուան օտթիւ. —

... «Սակայն, Երկաթի հիւանդութիւնը իր
ընթացքը երազեց, Աթէնքի հիւանդանոցին մէկ
անկիւնը լքուած պատն ի երեսին, «հատնիլը» կ'ի-
մանայինք Երկաթին: Չկրնալով այդ մինաւորիկ
տառապանքին տոկալ, բաղձաց Պոլիս վերադառ-
նալ, իր ընտանիքին ու բարեկամներուն գորովին

մէջ կը յուսար գտնել կազդոյրը որուն պէտքը կ'ըզ-
գար: Ազգականները յաջողեցան զինքը Պոլիս փո-
խադրել: Վերջին օրերը Հալքիի նոճիներուն նուա-
զաւոր սուգին մէջ անցուց: Ու Պոլսէն, որուն
«Սթամպուլ» ձեւը՝ կ'ատէր այնպէս ինչպէս ոչ ա-
տած էր իր առկայ յառողջութեանը յետին բեկոր-
ները ժողովելով, վերջապէս հոյակապ ճիգով մը, ար-
տադրեց այն հրաշակերտը «Թուրքիան կրնա՞յ ապ-
րել», որ երեցաւ «Ռեվիւ տէ Ռեվիւ»ին մէջ, և
որուն թարգմանութիւնը «Անահիտ»ին մէջ հրատա-
րակել խոստացանք (խոստում զոր պիտի կատարենք
ընդհուպ) զայն որակելով «խորթափանց պատմա-
բանի արտակարգ էջ մը» և անհունապէս ցաւելով
որ պայմանները մեզի թոյլ չէին տար հեղինակն իր
անունով ներբողելու: Այդ ուսումնասիրութիւնը
խոսացումն էր այնչափ բնազդական որչափ խորհըր-
դածուած ատելութիւնը զոր այդ Հելլէն - Հայր կ'ըզ-
գար, իր ջիղերուն ինչպէս և իր մտածմանը խորհն.
դէպի թուրքը, դէպի մթին ներկայացուցիչը Ռիրտ
Ուժին, դէպի Մտքի ու Գեղեցկութեան թշնամին,
դէպի կործանիչը բեղմնաւոր, ազատ ու ազուոր
կեանքին:

... «Մեր ցեղին արիւնին ու մտին ամենէն
ազնիւ մէկ տարրն է որ կը փճանայ Տիգրան Երկաթի
մահովը: Անոնք որ «ՄԱՐԴԼ» մօտէն ճանչցան ու
պաշտեցին, պիտի չմխիթարուին այս ապաժաման
ու անդամանելի կորուստէն, և անոնք որ պիտի
ճանչնան դրագէտը (որուն գործը հայերէնի թարգ-
մանել ու հատորի մէջ ամփոփելը մեր ամենէն սըր-
բազան պարտքերէն մէկը պիտի ըլլայ) պիտի զգան
պարապը որ հայ մտաւորականութեան մէջ կը բաց-
ուի չքացումովն այդ տաղանդին, որ դեռ ա՛յնչափ
գեղեցկութիւն ունէր ստեղծելու...»

. . . « Հիմա ան պիտի հանգչի, — ու աղէ՛կ է որ այդպէս ըլլայ — Պէշիքթաշլեան ու Ագամեանին քով, որոնք իր եղբայրներն են խառնուածքով ու դաստիարակութեամբ, երեքն ալ գաւազ՝ Պոլսոյ Հայութեան, ու Պոլսական կաթողիկէ Հայութեան (այս սինքն Հայութեան այն հատուածին, որ, իր ամբողջութեանը ամենատխուր թերութիւններ ցոյց տըւած ըլլալով հանգերձ, իր բարձունքներուն վրայ արտադրած է ամենէն նուրբ, ամենէն ազնուական հոգիները զոր Հայերը ունեցած ըլլան)։ Երեքն ալ՝ մինչև ոսկորներուն ծուծը գեղեցկին սիրովը թափանցուած, և իրենց ազգին համար ամենէն բարձր հիացումովն ու ամենէն վեհ անձնութեամբը տրոփուն, ու իրենք ալ, — որպէս թէ շատ նուրբ էութիւններուն դատակնիքն ըլլար վաղահաս փըշրումը, — սպառող Ախտի մը շունչին տակը իրենց կեանքին ու տաղանդին ծաղկին մէջ՝ յամբ ու ցաւազին նուազումով մը շատ կանուխ ու շատ մեղմօրէն աննիւթականացած ու անէացած»։



ՄԱՀԱՄԵՐՉ ՔԵՐԹՈՂ (1)

Ինչո՞ւ գլխիս վըրայ երբէք չունենայի
Մեծ բանաստեղծին պակը դափնի.
Ինչո՞ւ սրտիս չըլլային շուրջը բնաւին
Դաշնակաւոր այն երգերը տառապանքի,
Որ խուսելով սրտէն ինչպէս մի մութ ոգի
Տրտունջը կ'ընեն հաւասար ցաւին։

Ինչո՞ւ, երբ բաղճն իս կը տանջէ հալածական
Թաղուիմ անձնատուր գիրկը տրամութեան,
Ու չը ճակտիմ բաղճին դէմ ու չանիծե՛մ զայն
Յաւը գիտէ գինիի պէս արբեցնել,
Յաւը գիտէ արբուն հասակդ ու փառքդ երգել,
Յետո՞յ, պառկեցնել քեզ ծոցը մահուան։

Ի՞նչ փոյթ եթէ մեռնիս քսան տարեկան դուն,
Հերիք է որ անմահ պահէ քեզ ապանին,
Ու դագաղիդ վըրայ հրեշտակը համբաւին՝
Մինչև երկինքը հանէ քու անուն։

(1) Յետ մահու երկ Տիգրան Երկաթի (Կարապետ Պիլեգրիկճի), իր հաւաքածոյէն «ԲԱՆԻ ՄԸ ԺԱՄԵՐ — Տարի 1888»։

Կ'ուզե՞ս խեղճուկ ծեր. քարշ բերել զքեզ տխմար,

Մարդերուն մէջը հասակէ հասակ.

Սուակ ընել ճամբորդութիւնդ անոնց դժուար,

Տենչանքներուն ալ՝ ինչքդ նպատակ.

Ս'լ չերագես, դէհ, ա'ռ տաւիդդ ու երգէ մեզ.—

Մեր լիճերուն վրայ երբ իյնայ նաւն հոգեվար

Կը հնչէ ձայնն հեռուն, խազն ե'ւս է սրտակէզ,

— Եղեգնե՛րը լսուին թախծոս ու սարսուհար—

Ու հուսկ թռիչքով մ'ընդ բանալով թևքը կրկին

Անմահ սարերը կը դիտէ արտասուազին,

Ու իր ժայռին ոտքը կ'իյնայ պատառ պատառ.

Ոչինչ կեանքէն անդին տարաւ իր հետն անի

Բայց ծովափը, ծովափերուն վրայ պիտի երկա՛յն,

Մնայ տարտամ յիշատակ մը անհուն ցաւի

Ինչպէս դիւթող դաշնակութիւն բեկ բեկ վինի,

Ինչպէս շիրմաց վըրայ թափուած արցունքի ձայն

Երգէ՛ դու, երգէ՛, հուսկ ե՛րգը մահուն,

Փառքը ճիգիդ ժպտելով մը կը նայի,

Քերթո՛ղ, յիշէ՛ որ կը խօսիս աշխարհի,

Պիտի մահուան մէջ վերկենցաղիս դուն :

Պիտի մահուան մեջ վերկենցաղի՛ս դուն.

(Տ. Ե.)

Դո՛ւն, այո՛, դո՛ւն, Ազատորդի՛,

Թերափք եղար ամէն սրտի

Կ'ապրիս, քանի՛ դարեր գլորին

Գլխէն մեր ծեր մոլորակին .

Ու պաղ շունչը Գերեզմանին

— Վարդ կեանքերու այս հոմանին—

Չէ՛, չէ՛ կարող մարել ջահը

Հուր հանճարիդ ծաղրող՝ մահը :

Հանճա՛ր հրաշէկ այն երկաթին

Ճախրող, գրկո՞ղը Ծիւր Կաթին.

Խորասուզուո՞ղն ալքը Վիհին,

Վեհը, Տրտումն ու Ամեհին . . . :

Բովանդակին ծոցէն, վերէն

Նայէ՛ վարը, տե՛ս, կ'աւերեն,

Կը թաւալեն արիւն՝ գետեր,

Խօսէ՛, ե՞րբ մեզ կը յիշէ Տէր :

Խորհրդանի՛շն եղար Յաւին

Մայր—Հայրենեաց որ տակաւին՝

Վէրքէն արբշիռ՝ կը գուարթանայ.

Վաղուան Ա՛յդը կ'երագէ Նայ . . . :

Օ՛, մեծ Երազը կ'իրանայ.

Հրճուէ՛, հողի՛ վեհ Տիգրանայ.

Տե՛ս, Հայութիւնը բովանդակ՝

Ի՛նչպէս պաշտէ քու Յիշատակ :



ՏԻԳՐԱՆ ԵՐԿԱԹ
ԿԱՐԱՊԵՏ ՊԻԼԷՁԻՔՅԻ
1870 - 1899

ԺԱՄԱՆԱԿԱԿԻՑ ՄԱՏԵՆԱՇԱՐԻ
 ՀՐԱՏԱՐԱԿՈՒԹԻՒՆՆԵՐԸ

ՍՄԲԱՏ ԲԻՒՐԱՏ

1. Բուրգերէն (բանաստեղծութիւն)
2. Աւարայրի Արծւիբ (թատրերգութիւն)
3. Զեթունցի վարդապետը (կենսագրական)
4. Վեղարաւոր Հերոսը »
5. Տէմիր Մուշու »
6. Բանտէ Բանտ (Պատմ. վէպ 5 հատոր)
7. Ելլաբղէ Սասուն »
8. Դիակապուտները
9. Դէպի Ելլաբղ »
10. Իննսունվեց (Պատմ. վէպ 6 հատոր)
11. Զեթունի վրէժը » 4
12. Ելլաբղի Պոմպան
13. Որդեսպան Ծնողքը
14. Հայկ. Ընդհ. Պատմ. Ա. մաս
15. » Բ. մաս
16. Աւետարան (Զեթունի բարբառով)
17. Արեւելեան Խնդիր և Հայկական Հարցը
18. Զեթունի Պատմութիւն
19. Արեւնի Չորը
20. Վերջին Բերդը
21. Թիապարաբ Ա. ՇԻՏԱՆԵԱՆ
22. Աւազակապետը »
23. Աբորականը »
24. Վաշխառուն »
25. Շահէնն ի Սիպիր Ա. Տէր ՍՍՐԳՍԵԱՆ
26. Հայրենի Չայներ ՏԻԳՐԱՆ ԶԷՕԿԻՐԵԱՆ
27. Անին Ծախուեցաւ ԲԱԳՐԱՏ ԱՅՎԱԶԵԱՆՑ
28. Կարապետ (վէպ 4 հատոր) (Քասիմ)
29. Լումէն հեղինակ՝ Բ. Ֆլամմարիօն
30. Բերայի Գիշերներ հեղ. Յ. Հաճեան

31. Դաւիթ Բէկ Բաֆֆի
32. Հրացանակիր Քահանան Մ. Սէմէրճեան
33. Զեթունի Անցեալէն ու հերկայէն »
34. Ռասբուլին Վիլերմ լը Բէօ
35. Թաղականին Կնիկը Եր. Օտեան
36. Անուշ (պօէմա) Յ. Թումանեան
37. Լոռութիւնը Ա. Անարոնեան
38. Անհետացած Սերունդ մը Գ. Զօհրապ
39. Փոթորիկը (վիպակ) »
40. Մայտա Սրբունի Տիւսար
41. Դերասանունին Լեւոն Շանթ
42. Դարձ »
43. Կինը »
44. Թուղթի Փառք Ա. Զօպանեան
45. Քէօր Օղլու Ղ. Աղայեանց
46. Երազանսն և Բաղդադոյց »
47. Կարմիր Մարդոց Երգումը Բ. տիւ Թէրայլ
48. Աղքատին Պատիւը Ա. Ալթունեան
49. Կին, Խաղ, Գինի Բօլ տը Բօք
50. Սիրոյ Զոհեր Վիպէր
51. Պիւրիտան Միշէլ Զէվաղօ
52. Միւքէմէլ Եէմէք Քիթապը
53. Ճէք Ալֆօնս Տօտէ
54. Որդեսպան Ծնողքը (Բ. Տպագր.)
55. Աւարայրի Արծիւը »
56. Լեռներու Տիրունին »
57. Ելլալէ Սասուն
58. Տիգրան Երկաթ (Կենսագր.) Ս. Բիւրատ
59. Ելլալէ Պօմպան (Բ. Տպագր.)
60. Հարազատ Որդի Եր. Սումաքէշխանլեան

<< Ազգային գրադարան



NL0388090

Գ Ի Ն

ԵԳԻՊՏՈՍ 8 Ե. Դ.

ՖՐԱՆՍԱ 10 ՖՐԱՆԲ

ԱՄԵՐԻԿԱ 50 ՍԷՆՏ

ՀՈՍՅԷ

ՀԱՅԿ ԲԻԻՐԱՏ

ԱԳԵՔՍ ԼՆԳՐԻԱ



67.165